

讀史兵略續編

讀史兵略續編卷十

益陽胡林翼

金匱宣

〔神宗萬曆元年〕方逢時總督宣大山西軍務始逢時與崇古共決大計而買市之議崇古獨成之逢時與代崇古乃申明約信兩人首尾共濟邊境遂安逢時分磁口北時親行塞外自龍門盤道墩以東至湖山梁一百餘里形勢聯絡歎曰此山天險若修鑿北可達獨石南可援南山誠陵京一藩籬也及赴陽和道厝厝出關見邊務修舉欲并遂前計上疏曰獨石在宣府北三面講敵勢極孤懸懷永與陵寢止限一山所繫尤重其地本相屬而經行之路尙在塞外以故聲援不便若設盤道之險會迂就徑自龍門懸峪以達甯遠經行二十里南山獨石皆可朝發夕至不惟拓地百里亦可漸資屯牧於戰守皆利遂與巡撫吳兌經營修築設兵戍守

龍門盤道在龍門縣東北邊外靖湖堡山梁在延慶州西北限和今陽高縣懷永鎮來永南二縣也永甯今省入延慶州黑峪在龍門縣南十里甯遠在龍門東北邊外滿水堡舊爲朵顏馬市口

吳兌釋禍十三年得節鉞前此未有也時俺答初封貢而昆都力辛愛陰持兩端以其主土蠻爲患兌有智計操縱馴伏之嘗偵俺答離營微從五騎直趨其營守者愕控弦從騎呵之曰太師來犒軍耳皆拜跪迎導且獻酪兌過因盧帳抵暮還市者或潛盜所繫馬兌使人稽察之曰後復盜聞開關停市諸部追所奪馬并執其人以謝

〔十二年〕擢劉綎游擊將軍署騰衝守備事綎向去雲南運自其會莽瑞體以兵服諸番勢遂強數擾邊境江

西人岳鳳者商隴川驍桀多智爲宣撫多士甯詔室士甯妻以妹鳳誘士甯往見瑞體潛與子鳳烏賊殺之并殺其妻子奪金牌印符受瑞體僞命代士甯爲宣撫瑞體死子應襄嗣鳳結耿馬賊罕虔南甸土舍刀落多芒市土舍放正堂與應襄從父猛別弟阿瓦等各率衆兵數十萬攻雷弄蓋遠千崖南甸木邦老姚思何諸處殺掠無算寇檣越永昌大理蒙化景東鎮遠沅元江已陷順甯破護遠又令鳳烏引緬兵突猛淋指揮吳繼勳等戰死鄧川土官知州何鍾鳳倣塔使使招之鳳鸞獻應襄當是時車里八百孟養木邦孟良孟密蠻莫皆以兵助賊賊勢益盛附國公沐昌祚聞警移駐洱海巡撫劉世曾亦移楚雄大徵漢土軍數萬令參政趙睿壁蒙化副使胡心得壁騰衝陸通響趙州敘事楊際熙壁永昌與監軍副使傅寵江忻督參將胡大賓等分道進擊大小十餘戰積級千六百有奇猛別落參皆殲多將鄧子龍擊斬罕虔於姚關應襄趨鳳東寇姚關北據薄甸芒市會縱至軍軍大振鳳懼乃令妻子及部曲來降梃責令獻金牌印符及蠻莫孟密地乃以送鳳妻子還隴川爲名分兵趨沙木籠山據其險而已馳入隴川境風度四面皆兵遂詣軍門降梃復率兵進緬緬將先選留少兵隴川縱攻之鳳子鳳烏亦降梃乃攜鳳父子往攻蠻莫乘勝掩擊賊寇縛緬人及象馬來獻蠻莫平遂招撫孟養賊賊將乘象走追獲之復移師圍孟理生禽其魁雲南平

騰衝今隴州也緬甸在永昌僻外居雲南西南隴川在其東北緬川東孟定又東爲耿

馬歇馬南孟連其東卑里馬西南八百大甸孟定之南孟良良西曰木邦木邦北接隴川矣隴川西瀕龍川江虎關外曰孟密其南緬甸其西孟養孟密在北蠻莫居大金沙江東南其東預壁關亦在江南北北關曰緬甸其東北曰蠻莫連渡大金沙江而東曰千崖其南沙木籠山居緬甸河大金沙江二水間千崖東北爲南甸南甸千崖間曰緬甸此曰雷弄會之說也其東南爲芒市芒市東北爲緬甸安東北爲緬甸即思甸

也思甸北接永昌其東南繞關繞關渡河而東曰阿甸其東南臨猛淋在騰越東南界內  
川東鄧州南大理大理東南趙州趙州東南蒙化蒙化東南景東景東東南敘元敘元東元江

(十九年)倭酋關白平秀吉聲言明年三月來犯詔兵部申飭海防平秀吉者薩摩州人初隨倭關白信長會  
信長爲其下所弑秀吉遂統信長兵自號關白劫降六十餘州朝鮮與日本對馬島相望時有倭夷往來互市  
二十年夏五月秀吉遂分渠帥行長清正等率舟師逼釜山鎮濬渡臨時朝鮮承平久兵不習戰賊又酒酒醜  
備釜島夷作雜望風皆潰賊棄王城令次子暉攝國事奔平壤已復走義州願內屬七月兵部議令駐劄險要  
以待大兵號召通國勸王以圖恢復而是時倭已入王京毀墳墓劫王子陪臣剽府庫八道幾盡沒巨幕且渡  
鴨綠江請援之使給繹於道廷詔以朝鮮爲國藩籬在所必爭遣行人薛滂諒賊以興復大義揚言大兵十萬  
且至而倭業抵平壤朝鮮君臣益急出避愛州遊擊史儒等率師至平壤戰死副總兵祖承訓統兵渡鴨綠江  
援之僅以身免中朝震動以宋應昌爲經略八月倭入營德等郡兵部尙書石星計無所出詔遣人偵探之於  
是喜興人沈惟敬應募惟敬者市中無賴也是時秀吉次對馬島分其將行長等守要害爲聲援惟敬至平壤  
執禮甚卑行長給曰天朝幸按兵不動我不久當還以大同江爲界平壤以西盡屬朝鮮耳惟敬以聞廷議倭  
詐未可信乃趣應昌等進兵而星頗惑於惟敬乃題署遊擊赴軍前且請金行問十二月以李如松爲東征提  
督明年正月如松督諸將進戰大捷於平壤行長渡大同江遁遼龍山所失黃海平安京畿江源四道並復清  
正亦遁還王京如松既勝輕騎趨碧蹄館敗退駐開城事具如松傳初如松督師欲斬惟敬以參軍李應試言

而止至是敗氣縮而應昌急圖成功倭亦乏食有歸志因而封賞之議起應昌得倭報惟敬許乃令遊擊周宏謨同惟敬往諭倭獻王京返王子如約縱歸倭吳於四月棄王城遁時漢江以南千有餘里朝鮮故土復定兵部言宜令王國居守我各鎮兵久疲海外以次撤歸焉便詔可應昌疏稱釜山雖濱海而猶朝鮮境有如倭覘我罷兵突入再犯朝鮮不支前功盡棄今撥兵協守爲第一策卽宜少留倭盡歸留防戍部議留江浙兵五千分屯要害仍諭應昌練軍實毋恃外援已而沈惟敬歸自釜山同倭使來請款而倭隨犯咸安晉州逼全羅登復漢江以南以王京漢江爲界如松計全羅饒沃南原府尤其咽喉乃命諸將分守要已倭果分犯我師並有斬獲兵部給事中張輔之遼東都御史趙燿皆言款買不可輕受七月倭從釜山移西生浦送回王子陪臣時師久暴師聞撤勢難久羈應昌請留劉綎川兵吳惟忠略尙志等南兵合兩遼兵共萬六千聽綎分布慶尙之大邱月餉五萬兩資之戶兵二部先是發帑給軍費已累百萬廷臣曾虛內實外非長策請以所留川兵命綎訓練兵餉令本國自辦於是詔撤惟忠等兵止留綎兵防守諭朝鮮世子臨海君珰居全慶以顧養謙爲經略九月諭以三都既復疆域再造上表謝恩然時倭猶據釜山也星益一意主款九月兵部主事傅偉芳言關白大衆已過行長留待知我兵未撤不敢以一矢加遺欲歸報關白捲土重來則風不利正苦冬寒故款亦去不款亦去沈惟敬前於倭營講成安晉州隨陷而欲恃款買來年不攻則速之款者正速之來耳故款亦來不款亦來宜令朝鮮自爲守弔死問孤練兵積粟以圖自強帝以爲然因敕諭琚甚至

名對馬島在日本東北其西北對朝鮮國東南東萊縣南之釜山臨津江在熊江江北其國都西北也平壤在其大同江北於其後爲西北義州更在其北在鴨綠江東岸八道京畿江原英海全羅慶尙忠清咸鏡平安也慶州在義州東豐德在臨津江北龍山在其國都東南有金儲處也瑯驕館在其國都西三十里開城縣在豐德東松岳山西瀕江即熊津江也咸安縣爲咸安晉州在全羅東南全羅治全州也咸安南則有原府西生浦在蔚山

郡南

會朝鮮倭懇諫詔如松提督衛遼保定山東諸軍赴期東征弟如柏如梅並率師授劄如松新立功氣益驕與經略宋應昌不相下故事大帥初見督師甲冑庭謁出易冠帶始加禮貌如松用監司謁督撫儀素服側坐而已十二月如松至軍沈惟敬自倭歸言倭酋行長願封請退平壤進西以大同江爲界如松叱惟敬險邪欲斬之參謀李應試曰藉惟敬給倭封而陰襲之奇計也如松以爲然乃置惟敬於營誓師渡江二十一年正月四日師次蕭爾館行長以爲封使將至遣牙將二十人來迎如松檄游擊李甯生縛之倭裨起格鬪僅獲三人餘走還行長大駭復遣所親信小西飛來謁如松慰之六月次平壤行長猶以爲封使也此風月樓以待敵倭花衣夾道迎如松分布諸軍抵平壤城諸將趨巡未入形大露倭悉登陣拒守是夜襲如柏營擊却之明日如松下令諸軍無削首級攻圍缺東而以倭素易朝鮮軍令副將祖承訥詭爲其裝潛伏西南令遊擊吳惟忠攻進北牡丹嶺而如松親提大軍直抵城下攻其東南倭礮矢如雨軍少卻如松斬先退者以徇募死士授鉤梯直上倭方輒南面朝鮮軍承訥等乃卸裝露甲倭大驚急分兵捍拒如松已督副將楊元等軍自小西門先登如柏等亦從大西門入火器並發煙燄蔽空惟忠中礮傷胸猶奮呼督戰如松馬斃於礮易馬馳墮數躍而

上磨兵益進將士無不一當百遂克之獲首功千二百有奇倭退保風月樓夜半行長渡大同江遁還龍山甯  
及參將查大受率精卒三千潛伏東江間道復斬級三百六十乘勝逐北十九日如松遂復開城所失黃海平  
安京畿江源四道並復備清正據咸鏡亦遁還王京官軍既連勝有輕敵心二十七日再進師朝鮮人以賊棄  
王京告如松信之將輕騎趨碧蹄館距王京三十里猝遇倭圍數重如松督部下鏖戰一金甲倭擲如松急指  
揮李有聲殊死救被殺如柏甯等營前夾擊如梅射金甲倭墮馬楊元兵亦至斫重圍入倭乃退官軍喪失甚  
多會天久雨騎墮入稻畦中不得還倭背岳山面漢水聯營城中廣樹飛樓箭礮不絕官軍乃退駐開城二月  
既竊謀報倭以二十萬衆入寇如松令元軍平壤扼大同江接餉道如柏等軍寶山諸處爲聲援大受軍臨津  
留甯承副軍開城而身自東西調度聞倭將平秀嘉據龍山倉積粟數十萬密令大受率死士從間焚之倭遂  
乏食初官軍捷平壤鋒銳甚不復問封疆事及碧蹄敗劔如松氣大索應昌如松急欲休息而倭亦芻糧並絕  
且慮平壤之敗有歸志於是惟歎款議復行四月十八日倭棄王京遁如松與應昌入城遣兵渡漢江尾倭後  
將擊其情露倭步步爲營分番迭休官軍不敢擊倭乃結營釜山爲久留計時兵部尙書石星力主封貢議撤  
兵獨留劉綎拒守如松乃以十二月班師如松李成梁長子也肅南館在平壤西北風月樓  
疑在平壤城南岳山在其國都北寶山在其東北

劉綎授五軍三營參將會朝鮮用師綎請率川兵五千赴援詔以副總兵從征至則倭已棄王京遁綎趨尙州  
烏嶺嶺互七十里峭壁通一線倭拒險別將查大受祖承訓等間道躡槐山出烏嶺後倭大驚遂移駐釜山浦

繼及承訓等進屯大邱忠州以金羅水兵布釜山海口朝鮮略定未幾倭遣小西飛納款遂犯咸安晉州逼全羅提督李如松急遣李平胡查大受屯南原祖承訓李甯屯咸陽栳屯陝州扼之倭果分犯諸將並有新獲倭乃從釜山移西生浦送王子歸朝鮮帝命撤如松大軍還止留栳及游擊吳惟忠合七千六百人分扼要口

顯子也尙州屬慶尙道鳥嶺在其西北槐山在尙州北釜山在東萊縣東大邱忠州在槐山縣北金羅當作全羅縣全羅道在王京南咸陽在晉州西陝州在晉州北

二十二年呼拜反遂煽諸部爲亂拜西部人也嘉靖中得罪其部長父兄皆見殺拜跳脫來降驍勇屢立戰功前督撫王崇古石茂華先後奏加副總兵遂多盜亡命子承恩拜夢妖物入妻施腦而生犢形臬暗性狠戾拜老承恩與父爵十九年洮河告警御史周宏禴舉承恩及指揮王文秀拜義子呼雲等巡撫檄文秀四援拜請經略鄭洛與子承恩從出師驍惡其自薦抑損之拜以故心怨至金城見諸鎮皆出其下比賊退取道塞外還寇騎過之皆辟易遂有輕中外心驍數拜拜且按承恩罪錄之二十雲文秀亦以他故怨驍會戊卒請衣糧久弗給拜遂曠軍鋒劉東賜許朝作亂二十年二月殺驍及副使石繼芳逼總兵官張維忠縊死雲文秀殺游擊梁琦守備馬承光東陽稱總兵奉拜爲謀主承恩朝爲左右副總兵雲文秀爲左右參將承恩遂陷五泉營中衛廣武河西望風靡惟文秀徇平虜參將蕭如薰堅守不下賊既取河西四十七堡且渡河復誘河套著力兔宰僧犯平虜花馬池全陝皆震動學曾檄副總兵李駒率遊擊吳顯趨靈州別遣游擊趙武趨鳴沙州沿河扼賊南渡而自駐花馬池當賊衝駒等渡河賊將多遁去四十七堡皆復惟甯夏鎮城尙爲賊據著力兔



等中外相呼應拜文秀攻趙武於玉泉雲引著力免攻平虜如燕設伏射殺雲胸救武圍亦解四月胸引兵與故總兵牛秉忠抵鎮城下帝已擢董一奎爲總兵李贄副之已復擢如燕代一奎而以麻貴代贄未至胸等攻城賊於東西二門各出驍騎三千搏戰步卒列火車爲營官軍擊之奪其車百輛追奔入湖賊溺死無算副總兵王通戰尤力家丁高益等乘勝入北門後兵不繼被殺通亦負傷榆林游擊俞尙德戰死翼日朝文秀脇慶王上東城乞暫罷兵諛言願獻首惡會官軍糧盡乃引退休近堡學曾日夜趣芻餉調延綏莊浪蘭靖榆林兵道回遼所治舟亦未具乃駐花馬池俟軍至移靈州頃之延綏遊擊姜顯謨都司蕭如蕙甘州故總兵張傑及麻貴軍皆至復抵鎮城攻之賊計延綏榆林兵出內虛勾黃台吉妻令其子捨達大從子火落赤土昧緞雷掠洶安邊磚井堡以牽我兵承恩復以間合寇兵伏延漢渠掠糧車二百學曾自花馬池還靈州被圍救至而解貴等數攻城不能克賊殺慶王妃燕掠其宮人金帛牛秉忠戰傷右股乃復退師帝用尙書星言賜學曾尙方劍督戰會甯夏巡撫葉夢熊監軍御史梅國禎諸大將劉承嗣董一奎李如松先後至軍六月復攻城連戰不下夢熊半男兆歸善人竊靖四十年進士由福清知縣入爲戶部主事轉甯夏改御史以諫受把漢那吉降貶邵陽丞累遷贛州知府平黃鄉賊遷浙江副使改承平萬曆十七年由山東布政使擢右僉都御史巡撫貴州尋改陝西進右副都御史以請討播力克與經略洛議相左廷議方右洛絀其議不用會播力克東歸洛亦還宣大乃移夢熊甘肅與學曾共事夢熊有膽決敢任事會拜反上疏自請討賊帝然之以大月至靈州與學

曾合國禎字克生麻城人少雄傑自喜騎射舉萬曆十一年進士除固安知縣中官詣國禎請收資於民國  
顧憐令民蠶桑以償民夫婦哀痛中官爲毀券權御史會拜反學會師久無功時甯遠伯李成梁方被論廷議  
欲遣爲大將未敢決國禎獨疏保之乃遣成梁子如松爲提督將遼東宣大山西諸鎮兵以往而國禎監其軍  
遂與如松至甯夏初學會欲招東陽朝令殺拜父子贖罪遣卒葉得新往四人方約同死折得新脛置之獄巡  
撫朱正色以賊醜請降而張傑書總甯夏兵故與拜習遣傑入城招之朝乃昇得新見傑得新大罵賊被殺傑  
亦誓不道而學會以賊求撫爲之請帝切責及是城中百戶姚欽武生張選齡射井城外約內應夜半舉火外  
兵不至賊殺其黨五十人欽緝城出來奔當是時賊外以求撫緩兵而陰結寇爲助然糧盡勢且困七月學會  
與夢熊國禎定計決黃河大壩水灌之水抵城下時套寇卜失兔莊禿賴以三萬騎犯定邊小礮池用土味鐵  
雷爲前鋒而別遣宰僧以菟騎從花馬池西沙湃口入爲拜聲援麻貴擊之右溝寇稍挫分趨下馬關及鴨沙  
洲學會令游擊龔子敬扼沙湃口而檄延綏總兵官董一元搗土味鐵雷巢斬首百三十餘級寇大驚引去過  
子敬圍之十重子敬死寇亦去賊緩遂絕學會益決大壩水八月河決隄壞復繕治之城外水深八九尺東西  
城崩百餘丈蓄力免宰僧復入李剛堡如松貴等擊敗之追奔至賀蘭山賊益懼求款未決會學會得罪罷朝  
命以夢熊代夢熊遂成功初學會之遣人招東陽朝也留固原十餘日以俟之帝責其玩寇李駒渡河又稍遲  
松山河套寇先入官軍用是再失利學會上疏令監軍無與兵事帝爲飭國禎如其言國禎頗憾之及至軍

幼諸將觀望而頗以玩寇爲學會罪給事中許子偉亦劾學會或於招攝誤國事國禎又言喪事隨府從城上躍下賊令四人下取我軍咫尺不敢前又北寇數萬斷我糧道殺戮無算匿不以奏帝遂大怒逮學會至京然學會逮未踰月城壞而大軍入賊竟以破滅夢熊既代學會亦賜尙方劍時調度靈州獨國禎監軍甯夏賊被圍久食盡無援而城受水浸益大崩國禎挾諸將趨南關秉忠先登國禎大呼諸將畢登賊退據大城攻數日不下國禎使間給東賜朝承恩互相殺以降貴其罪三人內猜疑東賜朝遂先誘殺承恩黨文秀承恩亦與其黨周國柱誘東賜朝殺之盡惡東賜朝文秀首城上開門降如松率兵圍拜家拜倉皇縊罔室自焚死夢熊自靈州馳至下令盡誅拜黨及降人二千樹宗室士庶甯夏平夢熊正色國禎各上捷奏而俘承恩獻京師帝御門受賀詔釋承恩於市夢熊正色國禎各廢世官如松功第一如黨賈秉忠等加恩有差學會初奪職爲民叙功以原官致仕學會任事勞動濯城招降之策本其所建及宣捷帝召見大學士趙志昂張位志昂位力爲學會解尙書星以下多白學會無罪國禎亦上疏言學會應變稍緩臣請責諸將以振士氣而速學會之命發自臣疏竊自悔恨學會不早雪臣將受萬世譏如松亦言學會被逮時三軍兩泣夢熊亦推功學會帝初不聽既而復其官

學會 呼拜當作巴拜呼賣當作巴延金城今蘭州府玉泉營在甯夏西中衛今中衛縣廣武在甯夏西

州 今中衛縣東甯夏東南有巽湖北有金波湖西有觀音湖東北有三塔湖黃台吉卽撒辰汗火落赤當作浩爾齊得非僅在定鴻縣汗延渠在甯夏城東南據力克當作撒里克卜失龜當作布色

靈州 池在靈州東下馬關在甯夏西沙磧口在靈州西北大壩在甯夏西南李剛堡在平羅縣南

先是諸將董一妻麻貴等數攻城不下如松至攻益力用布囊三萬實以土踰之登爲礮石所却如棟夜攀雲梯上不克游擊劉子敬提苗兵攻南關如松乘勢將登亦不克乃決策水攻拜寤遣養子克力養柱勾套寇如松令節將李甯追斬之口套寇以萬餘騎主張亮堡如松力戰手斬士卒長纜者寇竟敗去水侵北關城崩如松如棟如薰等伴喉北關誘賊而潛以銳師襲南關擊雲梯而上拜及子承恩自斬叛黨劉東陽許朝乞貸死於是如松先登如薰及麻貴劉斌等繼之盡滅拜族

拜拜劉東陽據甯夏鎮城反遣其黨四出略地拜子承恩徇玉泉營游擊傅相拒守爲其下所執賊已徇中衛及廣武參將熊國臣等驅城奔列城皆風靡賊黨土文秀徇平虜獨如薰堅守不下如薰妻胡氏故尙書兆女也賢而有智贊夫死守日具牛酒犒士拜養子雲最驍勇引河套著力免急攻如薰伏兵南關俾敗誘賊入射雲死餘衆敗去又獲著力免營獲人畜甚多著力免憤復來攻爲麻貴所却城獲全初帝聞如薰孤城抗賊大

厚賚銀幣擢官副總兵

如薰舊如薰也

小歹青悔禍款塞請開木市於巖州且告衆願長昂將犯邊已長昂果犯錦義副總兵李如梅擊却之歹青既信化龍遂許其詩上疏曰環邊皆敵也邇北土蠻種類多不可數近邊者直甯前則長昂直錦義則小歹青直廣甯遼瀋則把兔炒花大直開鐵則伯言煖兔其在東邊海西則猛骨孛羅那林孛羅卜寨皆與遼城頃背相望並牆圍圍則刁斗聲相聞蓋肘腋憂也自那卜被剿數年東陲無事去年把兔伯言戰死炒花花大一

敗地今伯言子辛襄受罰入市廣甯遼海開鐵間警報漸希所未馴伏者惟小歹青與長昂耳小歹青素凶狡雄長諸部西助長昂東助炒花大舉動以萬數小竊則飛騎出沒錦義間自周之望柏朝擊戰歿無朝以一矢加遺遼河上下方數百里野多暴骨民無甯宇遠慮者每以河西不保爲慮今乃叩關求市臣徧詢將領及彼地居民僉言木市開有五利河西無木皆在邊外叛亂以來仰給河東以邊警又不時至故河西木於五市遇則材木不可勝用利一所疑於歹青者無信耳彼重市爲生路營市時必不行掠卽今年市而明年掠我已收今年不掠之利矣利二遼東馬市成祖所開無他賞本聽商民與交易木市與馬市等有利於民不費於官利三大舉之害酷而希零竊之害輕而數小歹青不掠錦義零竊少矣又西不助長昂東不助炒花則敵勢漸分卽甯前廣甯患亦漸減且大舉先報又得預爲備利四零竊既希邊人益得修備利五疏入從之化龍碑以病木市亦停止其後總兵官馬林復議開市與巡撫李植相左論久不決小歹青遂復爲寇云

化龍碑李化龍也

(二十三年)采御卜者順義王俺答從子也部衆強盛先嘗授都督同知再進龍虎將軍自以賈市在宣府守臣過已厚不可違乃隨俺答西迎活佛留據青海與瓦剌他卜齊成爲西甯患嘗誘殺副將李魁邊臣不能報益有輕中國心二十三年九月九日度將士必燕飲擁動騎直入南川屬番偵告警嚴兵要害令番人繞出柔爾峽口外潛扼其背而已提勦卒二千與戰方合伏忽起寇首尾不相顧番人夾擊大敗之雲手賊其帥一人斬首六百八十餘級其走峽外者又爲番人所獲獲駝馬戎器無算爲西陲戰功第一

南川在西甯府西柔爾峽口在北運水峽也雲

邊陲既勝度寇必復至厚築以待踰月寇果連真相火落赤諸部先圖番刺卜爾察以誘官軍番不能支合於寇寇遂逼西川雲督諸軍營康羅溝寇悉衆圍之矢石如雨雲左右衝擊自辰至申戰數十合寇死傷無算乃以長槍鈎杆專犯西甯軍西甯軍堅不可破寇始逼追奔數十里而還西川康羅溝在西南西北

二十五年日本封事敗起費備倭總兵官赴朝鮮已加提督燕統南北諸軍貨馳至王京倭已入慶州據開山島圖南原守將楊元運全州守將陳愚衷亦逼倭乘勢逼王京貴別遣副將解生守稷山朝鮮亦令都體察使李元翼出忠清道還賊鋒生頗有斬獲功參將彭友德亦破賊青山倭將行長退屯井邑清正還慶州經略邢玠經理楊鏞先後至分兵三協左李如梅右李春芳解生中高策貴與鏞督左右協兵專攻清正策駐宜甯東援兩協西扼行長諸軍至慶州倭悉退屯蔚山如梅誘敗之清正退保島山築三砦自固游擊茅國器率死士拔其砦斬賊六百五十諸軍遂進圍其城城新築以石堅甚將士仰攻多死圍十日倭敗生兵明年正月二日行長來援九將兵俱潰賊張旗幟江上鏞大懼倉皇撤師以捷奏既而敗狀聞帝罷鏞責貴以功贖與劉繼陳璘輩一元分四路責辱東瀛清正數戰有功會平秀吉死官軍益力攻十一月清正先遁貴遂入島山西浦諸路共俘斬二千二百有奇明年二月旋師慶州屬慶尙道開山島在其西南南原在全州東南稷山在忠州西青山與之相近井邑在全州東北宜甯當爲昌寧在晉州東蔚山屬慶尙道島山在蔚山南西浦卽西生浦貴麻貴也

(二十八年)播州楊應龍叛起李化龍節制川湖貴州諸軍事調東征諸將劉綎麻貴陳璘董一元南征時應龍乘大兵未集勒兵犯綦江城中新募兵不滿三千賊兵八萬奄至游擊張良賢巷戰死綦江陷應龍毒殺城中人投屍蔽江水爲赤益結九股生苗及黑脚苗等爲助屯官煽聲疑劫已遂焚東坡爛橋楚黔路梗二十八

年應龍五道並出破龍泉司時總督李化龍已移駐重慶徵兵大集遂以二月十二日督師分八路進每路約三萬人官兵三之士司七之旗鼓甲仗森列苗大驚總兵劉綎破其前鋒楊朝棟係以身免賊膽落遂追克桑木烏江渡三關奪天都三百落諸國賊連敗乃乘隙突犯烏江詐稱水西隴澄會哨誘承順兵斷橋淹死將卒無算奪糧破九盤入婁山關關爲賊前門萬峰插天中通一線縱從間道攀藤毀柵入陷焉四月朔師屯白石應龍率諸苗決死戰親勦騎衝中壑分兩翼夾擊敗之追奔至養馬城連破龍爪海雲險圍歷海龍國賊所倚天險謂飛鳥騰猿不能逾者時偏沅師已破青蛇國安疆臣亦奪落濠關至大水田焚桃溪莊賊見勢急父子相抱哭上國死守每路投降文緩師總兵吳廣入崖門關隘水牛塘與賊力戰三日却之賊詭令婦人於圍上拜表哭云州氏且降復詐爲應龍仰藥死報廣廣輕信按兵已覘賊詐益厲兵攻燒二關奪賊樵汲路八路師大集海龍國築長圍更番迭攻賊必死會化龍聞父喪詔以經懋視師化龍念賊前國險不能越令馬孔英率勦兵併力攻其後天苦雨將士馳泥淖中苦戰六月四日天忽驟霧先士卒克土城應龍益迫散金募死士拒戰無功者軍提刀殛疊見四面火光燭天大兵已登國破土城入應龍倉皇同妾妾二閹室縊且自焚吳

廣獲其子朝棟慈愛應龍屍出烟中賊平計出師至滅賊百十有四日八路共斬級二萬餘牛獲百餘

人化龍露布以聞獻俘闕下劉應龍屍陳朝棟兆龍等於市播州自唐入楊氏傳三十九世八百餘年至應龍

而亡官場在通義府西北東坡在黃平州東橋橋在施秉縣南龍泉司屬石阡府桑木在綏陽縣東烏江關在西南三渡關在通義府東八十里天都三百落在通義南烏江上烏江在通義府南八十里水西今黔西

州水順今永順府九盤在大樓山北莫山關在通義北大樓山白石口在莫山關南勢馬城在府城北五十里龍水海雲險關在城北三十里山險處海龍關賊巢也在其上青蛇關在通義府城東落濟關在通義府城

西三十里大水田在關之東橋橋在關東北崖門關在通義府城西北水牛城在關南

貴州自楊應龍平後銷兵太多苗仲所在爲寇鷓鴣言仲賊乃粵西猪租流入黔中自貴陽抵鎮人以三萬計

皆以千四百七十計分卽爲民合卽爲盜又有紅苗環銅仁石阡思州思南四郡數幾十萬而鎮遠清平間大

江小江九股諸種皆應龍遺孽衆萬餘臣部卒止萬三千何以禦賊因列上增兵增餉九議鷓鴣強

（三十年）汪應蛟在天津見葛沽白塘諸田盡爲汙萊詢之主人咸言斥鹵不可耕應蛟念地無水則難得水

則澗若營作水田當必有利乃募民墾田五千畝爲水田者十之四畝收至四五石田利大興及移保定乃上

疏曰天津屯兵四千費餉六萬俱斂諸民間留兵則民告病恤民則軍不給計惟屯田可以足食今荒土連封

蒿萊彌望若開渠設堰規以爲田可七千頃得穀三百石近鎮年例可以兼資非獨天津之餉足取給也因

條畫墾田丁夫及稅額多寡以請得旨允行已請廣興水利略言臣境內諸川易水可以溉金臺漳水可以溉

恆山澇水可以溉中山澇水可以溉襄國漳水來自新下西門約蓄用之瀝海當諸河下流觀江南海國不異



其他山下之泉地中之水所在而有咸得引以溉田請通渠築防量發軍夫一準南方水田之法行之所都大府可得田數萬頃歲益數千萬石畿民從此饒給無旱澇之患卽不幸清河有梗亦可改折於南取糴於北工部尙書楊一魁亟稱其議帝亦報許後卒不能行

葛沽在天津東九十里又東爲鄆家沽合沽流入海白塘卽清河會衛河處在天津北易水金臺今易州障水恆山今冀

定府涿水中山今定州涿水屬今順德府涿水鄉下今彰德府

照明過字頁孺進賢人萬曆二十九年進士知長興縣四十三年擢兵科給事中旋掌科事上疏極陳時弊言今春以來天鼓兩震於晉地流星墜於清豐地震二十八天火九石首雨菽河內女妖遼東兵端吐火卽春秋二百四十年間未有彌於今日者且山東大祲人相食黃河水稽天兼以太白經天輔星湛沒熒惑鏡月金水逆行或日光無芒日月同聲爲恆風爲枯旱天譴愈深而陛下所行皆經天拂經之事此誠萬慮碎首賈生痛哭之時也敢以八憂五漸三無之說進今內庫太實外庫太虛可憂一餉臣乏餉邊臣開邊可憂二套節國王插部覬賞可憂三黃河泛濫運河膠淤可憂四齊魯荒天楚苦索地可憂五鼎鉉不備棟梁常撓可憂六羣神盈衝訛言載道可憂七吳民喜亂冠履倒置可憂八八憂未已五漸繼之太阿之柄漸入中涓魁壘之人漸加隕摯制科之法漸成奸黠武庫之器漸見銷亡商旅之途漸至梗塞五漸未已三無繼之匹夫可獎敵天子小校可濫邀綵綸是朝廷無紀綱漢唐之守令皆途窮揚粵之監司多規避是遠方無吏治讎搆之口甚於戈戟傾危之禍慘於蘇張是士大夫無人心天下事可不寒心哉帝不省

（肅宗天啟元年）李樞大疏乞休天啟元年始得請以王三善代而肅宗明已反重慶陷遵義貴陽大震糧道留視事時城中兵不及三千倉庫空虛樞與總按御史史采安貨雲南湖廣銀四萬有奇募兵四千備米二萬石拾戰守具而急遣總兵官張彥方都司許成名黃運清監軍副使朱芹提學政事劉錫元等援四川屢捷遂復遵義綏陽播州真安桐梓二年二月成傳崇禎明陷成都邦彥遂挾安位反自稱羅甸王四十八支及他部頭目安邦俊陳其愚等繼起相應為撤土目安效良亦與通邦彥首亂畢節都司楊明廷敗歿賊遂分兵以安順平燭效良亦西陷舊益而邦彥自統水西軍及羅鬼苗仲數萬東渡陸廣河直趨貴陽別遣王倫等下懷安慶備糧以斷援兵洪邊土司宋萬化糾苗仲九股陷龍里樞永安聞變亟檄城守會蔣泉守令咸入觀而彥方鎮銅仁運清駐遵義城中文武無幾人乃分兵為五令錫元及參議邵應麟都司劉瑋言故副總兵劉岳分據四門樞自當北門之衝永安居臨樓臨街市兵防內變學官及諸生亦督民兵分據守賊至盡銳攻北城樞迎戰敗之轉攻東門為錫元所却乃日夕分番馳突以疲官兵為三丈樓臨城用婦人雞犬厭勝而樞永安烹糲雜斗米飯投飼雞犬而張虎豹皮於城樓以敵之乃得施礮石夜燔死士燒其樓賊又作竹籠滿餘土壘之高踰睥睨永安急撤大寺鐘樓城上賊棄籠去官軍出燒之數出城邀賊糧賊怒盡發城外塚徧燒村特又先後攻陷廣州誓定威清普安安南諸衛貴陽西數千里盡為賊據初被圍彥方運清來救賊於新添賊誘入龍里二將皆敗乃縶之入城曰使耗汝糧城中果大困川貴總督張我續趙撫王三晉擁兵不進樞永安建疏告

急請督責之會彥方等出戰頓得利賊退保澤溪乃遣裨將商士傑等率九千人分控威清新滌二衛且乞  
援兵賊謂城必拔沿山列營柵隔內外旬日一來攻輒敗去副總兵徐時逢參將范仰仁赴援過賊壘城河  
仰仁賊不利時逢擁兵不救遂大敗諸將馬一龍白自強等殲焉援遂絕賊聞三營將進兵益日夜攻擊長梯  
蟻附城幾陷者數矣構齧臂一呼士卒雖委頓皆強起斫賊賊皆顛陪死城下王三善屢被廢旨乃率師破重  
圍而進十二月七日抵貴陽城下圍始解樛乃辭兵事解官去安位署崇明女弟社譚子也安順今安順府平  
羅在貴陽西北拱邊在貴陽北十里龍里在貴  
陽東五十里廣州衛當作貴州將定屬安順府將安今爲州安南屬屬南  
龍府屬清今清城縣新添在龍里縣東南澤溪在貴陽西二里餘見下

王三善代李栲巡撫貴州時奢崇明已陷重慶明年二月安邦彥亦反圍貴陽樛及巡按御史史永安連章告  
急趨三善馳援三善始駐沅州調集兵食已次鎮遠再次平越去貴陽百八十里方遣知府朱家民乞兵四川  
兵未至不敢進疏請便宜從事給空名部牒得隨才委在帝報可至十二月朔知貴陽圍益困集衆計曰失城  
死法進援死敵等死耳盡死敵乎乃分兵爲三副使何天麟等從清水江進爲右部叅事楊世賞等從都勻進  
爲左部自將二萬人與參議向日升副總兵劉超參將楊明楷劉志敏孫元讓王建中等由中路當賊鋒舟次  
新安抵龍頭營超前鋒遇賊衆欲退斬二人乃定賊酋阿成騎勇超率步卒張良俊直前斬其頭賊衆披靡三  
善等大軍亦至遂奪龍里城諸將請駐師觀變三善不可策馬先邦彥疑三善有衆數十萬乃潛遣餘賊退屯  
龍洞官軍遂奪七里冲進兵畢節鋪元橫明楷連敗賊其渠安邦從中斃死生護邦彥弟阿倫遂抵貴陽城下

賊解圍去柁永安請三善入城三善曰賊兵不連我不可即安營於南門外明日破賊潭溪賊走渡陸廣河居數日左右二部兵及湖廣廣西四川援兵先後至三善以二萬人破賊十萬有輕敵心欲因糧於敵舉趨為總兵官令渡陸廣趨大方揭安位巢以世賞監之總兵官張彥方渡鴨池搗邦彥巢以天麟監之漢土兵各三萬別將都司續補裘出黃沙渡尅期並進超等至陸廣連戰皆捷彥方部將秦民屏亦破賊五大寨諸將益輕敵邦彥先合崇明效良兵誘官軍深入三月正月超渡陸廣賊薄之獨山土官蒙詔先遁官軍大敗爭渡河超走免明榜被執諸將姚旺等二十六人殲焉賊遂攻破鴨池以部將覃宏化先逃諸營盡潰彥方退保威清惟補裘軍獨全諸苗見王師失利復繼起土酋何中尉進據龍里而邦彥使李阿二圖青巖斷定番饋道令宋萬化與楚漢為左右翼自將趨費陽連近大震三善急遣游擊祁繼祖等取龍里王建中劉志敏救青巖繼祖燔上中下三牌及賊百五十營建中亦燔賊四十八莊龍里定番路皆通三善又夜遣建中繼祖搗楚漢八姑務燔莊營二百餘薄而攻之賊溺死無算萬化不知楚漢敗詐降三善佯許而令諸將捲甲趨之萬化倉皇出戰被禽邦彥為奪氣羣苗復效順三善給黃輅令樹營中邦彥望見不敢出增兵守鴨池陸廣諸要害時崇明父子屢敗邦彥救之為川師敗走總理魯欽等剿窩中尉彥方亦追賊鴨池而賊復乘間陷普安總督楊述中駐沅州畏賊朝命屢趨始移鎮連讓與三善左三善屢求退不許會崇明為川師所窘逃入貴州龍場依邦彥三善議會師進討述中暨諸將多持不可三善排擊讓以閏十月自將六萬人渡烏江次黑石連敗賊斬前逃將軍

宏化以徇賊乃柵漆山日遺遊騎掠樵者軍中乏食諸將請退師三善怒曰汝曹欲退不如斬吾首詣賊降諸將乃不敢言三善募壯士逼漆山耕衣峨冠肩輿張蓋自督陣語將士曰戰不捷此卽吾致身處也旁一山頗峻摩左軍據其巔賊倉皇拔柵爭山將士殊死戰賊大敗邦彥狼狽走三善渡渭河降者相繼師抵大方入居安位第位借掛耆社輝走火灼堡邦彥竄織金先所隔將楊明楷乃得還位窘遣使詣述中請降述中令緡崇明父子自贖三善責並獻邦彥往返之間賊得用計爲備三善以賊方平議郡縣其地諸苗及土司咸懾恐益合於邦彥三善先約四川總兵官李維新賊以餉乏辭三善屯大方久食盡述中弗爲援不得已議退師四年正月盡焚大方廬舍而東賊躡之中軍參將王建中副總兵秦民屏戰歿官軍行且戰至內莊後軍爲賊所斷三善還救士卒多奔陳其愚者賊心腹先詐降三善信之與籌兵事故軍中虛實賊無不知至是遇賊其愚故縱轡衝三善墜馬三善知有變急解印綬付家人拔刀自刎不死羣賊擁之去罵不屈遂遇害清江水在北新安龍頭營在龍里縣東龍洞河在貴陽南七里冲在貴陽東畢節鎮在貴陽府北黃河渡在貴陽府西北獨山在黔西州東南貴陽在貴陽府南定番今爲州在貴陽府南八姑蕩在貴陽西北黑石在大定東南徐山在其西北渭河在黔西州北火灼在渭河濱織金關在平遠州東內莊在平遠北盤費河在貴陽西北百二十里江外營苗地

大方之役御史賈陽徐卿伯上言邦彥招四方奸宄多狡計撫臣得勝驟進視疆苗不足平不知澤溪以西渡陸廣河皆烏道深林叢菁彼誘我深入以木石塞路斷其郵書阻餉道遮援師則彼不勞一卒不費一矢而我兵已坐困矣後悉如其言

(二年)趙彥巡撫山東遼陽既失彥請增兵戍諸島特設大將登州登萊設鎮自此始天啟二年戚繼復失彥以山東南北咽喉列上八事詔多允行先是霸州人王森得妖狐異香倡白蓮教自稱開香教主其徒有大小傳頭及會主諸號蔓延畿輔山東山西河南陝西四川森居灤州石佛莊其徒黨輸金錢辦朝貢飛籌報機事一旦數百里萬應二十三年有司捕擊森論死用賄得釋乃入京師結外戚中官行教自如後森徒李國用別立教用符咒召鬼兩教相仇事益露四十二年森復為有司所擿越五歲斃於獄其子好賢及鉅野徐鴻儒武邑于宏志輩踵其教徒黨益眾至是好賢見遼東盡失四方奸民思逞與鴻儒等約是年中秋並起兵會謀馮鴻儒遂先期反自號中興福烈帝稱大成興勝元年用紅巾為識五月戊申陷鄆城俄陷鄆滕兩縣眾至數萬時承平久郡縣無守備山東故不置重兵彥任都司楊國棟廖棟而檄所部練民兵增諸要地守卒請留京操班軍及廣東援遼軍以備征調薦起故大同總兵官楊肇基為山東總兵官討賊賊乘肇基未至襲兗州為滋陽知縣楊炳所卻棟等擊敗賊復鄆城其別部犯鉅野知縣趙廷慶固守不下國棟兵至敗之又敗其兗州者遂借棟等合攻鄆縣兵潰遊擊張榜戰死賊遂圍曲阜郕城旋敗去遂復嶧縣七月彥視師兗州甫出城遇賊萬餘彥縋入城肇基急迎戰而令國棟及棟夾擊大敗之橫河時賊精銳聚鄆滕中道彥欲攻鄆滕副使徐從治曰攻鄆滕難下不如擄其中堅兩城可圍也彥乃與肇基令遊兵綴賊鄆城而以大軍擊賊精銳於黃陰紀王城大敗賊感而殄之嶧山遂圍鄆大小數十戰城未下令天津僉事來斯行及國棟等乘間復滕縣國棟又

大破賊沙河乃縈長圍以攻鄒鴻儒抗守三月食盡賊黨盡出降鴻儒單騎走被禽擄其眾四萬七千餘人彥乃紀績告廟獻俘磔鴻儒於市鴻儒隴山東二十年徒黨不下二百萬至是始伏誅于宏志亦於四年六月據武邑白家屯將取景州應鴻儒斯行方赴援山東追軍討之宏志突圍走爲諸生葉廷珍所獲凡舉事七日而滅好賢亦捕得伏誅

橫河未詳疑與黃陰紀王城香在鄒縣嶧三縣間嶧山在鄒縣東南南沙河即薛水在滕縣白家屯疑在武邑南景州之東北

解學龍通曉政務上言遼左額兵舊九萬四千有奇歲餉四十餘萬今關上兵止十餘萬月餉乃二十二萬遼兵盡潰關門宜募新兵餉銀舊有額兵乃亦給厚精召募舊兵以其餉厚悉竄入新營而舊額又如故漏卮可勝言國初文職五千四百有奇武職二萬八千有奇神祖時文增至一萬六千餘武增至八萬二千餘矣今不知又增幾倍誠度冗者汰之歲可得餉數十萬裁冗吏核曠率俸衛所應饗子弟饗職而不給俸又可得數十萬京邊米一石民輸則非一石也以民之費與國之收衷之國之一民之三關餉一斛銀四錢以易錢則好米值錢百惡米止三四十錢又其下腐臭不可食以國之費與兵之食衷之兵之一國之三總之民費其六而兵食其一況小民作奸欺漕卒漕卒欺官司官司欺天子屢轉相欺米已化爲糠粃沙土兼濕熱蒸變食不可咽是又化有用之六爲無用之一矣臣以爲莫如修屯政屯政修則地闢而民有樂土粟積而人有固志昔吳禪守天水縱橫鑿渠綿互不絕名曰地網敵騎不能逞今倣其制溝隄之界各樹土所宜木小可獲神果之饒大可得抗拒之利敵雖強何施乎帝亟下所司而議寬中格

〔五年〕傅宗龍乃條上屯守策言：以屯爲守，黔則當以守爲屯。蓋安會土地半在水外，犴猪龍仲蔡苗諸雜糧，紛紜相助，賊有外藩，我無邊敵。黔兵所以分力，愈曲臣請以守爲屯者，先發兵據河，奪賊所恃，然後撫剿。諸糧隨渡口大小，置大小寨，深溝高壘，置烽墩礮臺，小渡則塞以木石，使一粟不入水內，一賊不出水外，賊無如何。又令沿河兵營水戰，當賊耕耨時，頻出奇兵渡河擾之，賊不敢附河而居，而後我可以議屯也。屯之策有二：一曰清衛所原田，一曰創逆賊故壤，而以衛所之法行之。蓋黔不患無田，患無人，客兵聚散無常，不能久駐。莫若做祖制，盡舉屯田，以授有功，因功大小爲官，高下自指揮，至總小旗，畀以應得田爲世業，而禁其私賣，買不得招徠戶口。自賢臣所謂以守爲屯者，如此。然兵當用四萬八千人，餉當歲八十餘萬，時當閏三年如此，而後賊可盡滅也。部議從之。

〔莊烈帝崇禎元年〕王師討安邦彥，久無功。羽健冒賊巢在大方，黔其前門，蜀遵承其後，戶由黔進兵，必渡陸廣奇險七晝夜，抵大方。一夫當關，千人自廢。王三晉蔡復一，所以屢敗也。邊義距大方三日程，而畢師止百餘里，平衍從此進兵，何患不克？因登上是兵，掛餉方略，并薦蔣總督朱燮元、閔夢得等，帝卽讓行。後果平賊。羽健也

莊烈帝承神宗之後，神宗怠荒，廢政，熹宗暱近閩人，元氣盡漸，國脈垂絕。向使熹宗御宇，復延數載，則天下之亡不再傳矣。莊烈之繼統也，臣寮之黨局已成，草野之物力已耗，國家之法令已壞，邊疆之搶攘已甚。莊烈雖



銳意更始治核名實而人才之賢否讓論之是非政事之得失軍機之成敗未能灼見於中不搖於外也且性多疑而任察好剛而尙氣任察則苛刻寡恩尙氣則急遽失措當夫羣盜滿山四方鼎沸而委政柄者非庸卽佞則撫兩端茫無成算內外大臣救過不給人惶惶利自全之心言語慙直切中事弊者率皆摧折以去其所任爲闕帥者事權中制功過莫償敗一方卽毀一城卽殺一吏賞罰太明而至於不能制取過嚴而至於不能制加以天災流行饑饉洊臻政議賦重外訶內叛皆一人之身元氣羸然疽毒並發厥症固已甚危而醫則良否錯進劑則寒熱互投病入膏肓而無可救不亡何待哉是故明之亡亡於流賊而其致亡之本不在於流賊也崇禎元年陝西大饑延綏缺餉固原兵剗州庫白水賊王二府谷賊王嘉允宜州賊王左掛飛山虎大紅狼等一時並起有安塞馬賊高迎祥者自成劉也與饑民王大梁聚衆應之迎祥自稱闖王大梁自稱大梁王

承甯奢崇明反蜀王要璽元治軍承甯古蘭州地奢氏謀獲種也洪武時歸附世爲宣撫使傳至崇禎無子崇明以疏屬襲外恭內險鷲子寅尤驕桀好亂時詔給事中明時舉御史李遠徵川兵授漳崇明父子請行先遣土目樊龍樊虎以兵詣軍屢巡撫徐可求汰其老弱餉復不繼龍等遂反殺可求及參政孫好古總兵官黃守魁等時舉邊員傷遁時九月十有七日也賊遂據重慶播州遵慶及諸亡命奸人蠶起應之賊據符國順襲陷遵慶列城多不守崇明僭號設丞相五府等官統所部及徵雜蠻數萬分道趨成都陷新都內江蕪據木枰

龍泉隘口指揮周邦太降冉世洪雷安世張英戰死成都兵止二千鎗又紉璽元機復石注羅綱龍安格茂  
隨道兵入援斂二百里內粟入城備趙按御史薛敷政右布政使周善按察使林宰等分陣守賊陣革裏竹牌  
鈎梯附城壘土山上架礮轟伏弩射城中璽元用火器擊却之又遣人決都江堰水注濠賊治橋得少息因斬  
城中通賊者二百人賊失內應賊四面立望樓高與城齊璽元命死士突出擊斬三賊帥燬其樓既而援兵漸  
集逢萊副使楊述程以募兵至湖廣遂合安翰副使劉芬驥石往女土官秦頁玉軍敗賊牛頭鎮復新都他路  
援兵亦連勝賊然賊亦愈增日發塚擲枯骸忽自林中大譟數千人擁物如舟高丈許長五十丈樓數重牛革  
蔽左右置板如平地一人披髮仗劍上載羽旗中數百人挾機弩毒矢旁翼兩雲樓曳以牛俯臨城中城中人  
皆哭璽元曰此呂公車也乃用巨木爲橋關轉索發敵飛千鈞石擊之又以大礮擊牛牛返走敗去有諸生陷  
賊中遣人言賊將羅象乾欲反正璽元令與象乾俱至呼飲戊樓中不脫其佩刀與同臥酣寢象乾誓死報復  
縋而出自是賊中舉動無不知乃遣部將詐降誘崇明至城下伏崇明跳免諸道援軍至璽元策賊且走  
投木牌數百錦江流而下令有司沉舟斷橋嚴兵待象乾因自內縱火崇明父子遁走瀘州象乾遂以衆來歸  
城圍百二日而解初朝廷聞重慶變卽擢璽元僉都御史巡撫四川以楊愈懋爲總兵官而擢河南巡撫張我  
績總督四川貴州雲南湖廣軍未至而成都圍解官軍乘勢復州縣衙所凡四十餘惟重慶爲樊龍等所據其  
地三面阻江一面通陸副使徐珂率兵繞出佛圖關後與夏玉攻拔之崇明發卒數萬來援如珂迎戰檄同

知越其杰隨賊後殺萬餘人監軍俞事戴君恩令守備金宮廉攻斬賊將張彤樊龍亦戰死帝告廟受黃進君  
恩三官璽元所遣他將復建武長甯獲僞丞相何若海瀘州亦旋復先是國禎阻遵義貴州巡撫李榕已遣兵  
復之永甯人李忠臣誓爲松潘副使家居陷賊以共約愈懇爲內應事覺合門遇害賊即用其家僮給愈懸  
殺之并殺順慶推官郭象備等再陷遵義推官馮鳳雛當是時崇明未平而貴州安邦彥又起安氏世有水  
西宣慰使安位方幼邦彥以故得倡亂朝議錄璽元守城功加兵部侍郎總督四川及湖廣荆岳鄭襄陝西漢  
中五府軍務兼巡撫四川而以楊述中總督貴州軍務兼制雲南及湖廣辰常衡永十一府代我續共辦奢安  
二賊然兩督府分關治軍川貴不相應賊益得自恣三年璽元謀直取永甯集將佐曰我久不得志於賊我以  
分賊以合也乃盡製諸軍會長甯連破麻塘坎觀音菴青山崖天蓬洞諸砦與瓦玉兵會進攻永甯擊敗奢賈  
於土地坎追至老軍營涼傘銷盡焚其營實被二槍遇樊虎亦中槍死復追敗之橫山入青崗坪抵城下拔之  
高拔將周邦太降賊二萬副總兵蔡衍祚等亦攻克遵義崇明父子逃入紅崖大國官軍感而拔之連拔天台  
白崖楠木諸國撫定紅濟四十餘砦賊奔入薊蘭州城五月爲參將駱象乾所攻克崇明父子率餘衆走水西  
龍場客仲壩倚其女弟奢社輝以守初賊失永甯即求救於安邦彥邦彥遣二軍窺遵義永甯璽元敗走之繼  
兵官李維新等遂攻破客仲壩崇明父子竄深營維新偕副使李仙品俞事劉可副參將林兆鼎等搗龍場生  
擒崇明妻安氏弟崇輝寶國順 被創走錄功進璽元右都御史時蜀中兵十六萬土漢各半漢兵不任戰而

士兵騷淫不肯盡力成擄國 卽取重慶重慶復不卽擒永甯及永甯瀘州並下賊 巢穴又縱使達嵐大

抵士官利養寇官軍效之賊 轉爲計崇明父子方窘甚璽元以蜀已無賊遂不 永甯既拔拓地千里

璽元劾齊朕地歸永甯衛以 地爲四十八屯給諸降賊有功者令歲輸賊於官曰屯將隸於叙州府增設

同知一人領之且移敘州兵備道於衛城與貴州參將同駐蜀中遂靖而邦彥張甚四年春門貴州巡撫王三

晉軍沒明年總理魯欽敗於織金貴州總督蔡復一軍又敗廷臣以三晉等失事山川師不協助議合兩晉府

乃命璽元以兵部尙書兼督貴州雲南廣西諸軍移鎮遵義而以尹同舉代撫四川璽元赴重慶邦彥偵知之

六年二月謀乘官軍未發分犯雲南遵義而令寅專犯永甯未行寅被殺乃已寅凶淫甚有阿引者受璽元金

錢乘寅醉殺之寅既死崇明年老無能爲邦彥亦乞撫璽元聞於朝許之乃遣參將楊明輝往撫璽元旋以父

喪歸偏沅巡撫閔夢得來代先是貴州巡撫王珉謂督臣移鎮貴陽有十便朝議從之夢得乃陳用兵機宜請

自永甯始次甯市摩泥赤水百五十里皆坦途赤水有城可屯兵進白巖府臺畢節大方僅二百餘里我旣宿

重兵請番交通之路絕然後貴陽邊議軍剋期進賊必不能支疏未報夢得召選代以尙書張鶴鳴議遂寢鶴

鳴未至明輝奉制書僅招撫安位不云赦邦彥邦彥怒殺明輝撫議由此絕鶴鳴視師年餘未嘗一戰賊得養

其銳崇禎元年六月復召璽元代之兼巡撫貴州仍賜尙方劍錄前功進少保世廕錦衣指揮使時寇亂久星

井蕭條貴陽民不及五百家山谷悉苗仲而將士多殺降報功苗不附璽元招流移廣開墾募勇敢用夢得前

譚檄雲南兵下烏撒四川兵出永甯下畢節而親率大軍駐陸廣逼大方總兵官許成名參政鄭朝棟由永甯復赤水邦彥聞之分守陸廣鴨池三岔諸要害別以一軍趨遵義自稱四裔大長老號崇明大梁王合兵十餘萬先犯赤水壘元投計成名誘賊至永甯乃遣總兵官林兆鼎從三岔入副將王國禎從陸廣入劉養勳從遵義入合傾其衆邦彥恃勇擬先破永甯軍遣拒諸將急索戰四川總兵官侯良柱副使劉可訓遇賊十萬於五峯山桃紅嶺大破之賊奔據山巔諸將乘霧力攻賊復大敗又追敗之紅土川邦彥崇明皆授首時二年八月十有七日也捷聞帝大喜以成名與良柱爭功賞久不行烏撒安效良死其妻安氏招故舊益土酋安道弟邊爲夫負固不服壘元乘兵威脅走邊遂復烏撒壘元以境內賊略盡不欲窮兵乃檄招安位位不決壘元集將更讓曰水西地深險多警壘糧餉雨莫辨晝夜深入難出今當扼其要害四面迭攻賊乏食將自斃於是攻之百餘日斬級萬餘養勳復遣人入大方燒其室廬位大恐三年春遣使乞降壘元與約四事一貶秩二削水外六目地歸之朝廷三獻殺王巡撫者首四開畢節等九驛位許如約率四十八目出降壘元受之貴州亦靖遂上營後疏曰水西自河以外悉入版圖沿河要害巨築城三十六所近控蠻苗遠聯滇蜀皆立邸舍繕郵亭建倉廩賊必不敢猝入爲寇鴨池安莊傍河可屯之士不下二千頃人賦土使自贖鹽酪獨裁出其中諸將士身經數百戰咸願得尺寸地長子孫請割新疆以授之使知所激勸帝報可初崇明邦彥之死寶川中諸將功而黔將爭之壘元頗右黔將屢奏於朝爲四川巡按御史馬如蛟所劾壘元力求罷帝慰留之其冬討平定番

鎮南叛苗乃通威情等上大衛及平越清平備糧鎮四衛道路凡一千六百餘里繕亭障置游獵費陽東北有洪邊十二馬頭故宜慰宋嗣股地也嗣股以助邦彥被剿滅乃卽其地置開州又奏復故施秉縣招流民實之四年阿迷州土官普名聲作亂陷彌勒州曲江所又攻臨安及甯州連近震動迺擄王仇繼兵官沐天波不能禦仇連戍雲元遣兵臨之遂就擒龍場者隣大方邦彥以假崇明崇明既滅總兵侯良桂欲設官屯守以自廣而安位謂已故地數舉兵爭雲元不之禁會雲元幼良桂不職良桂亦許雲元曲庇安氏納其重賄章下四川巡按御史劉宗祥宗祥亦劾雲元受賄且以龍場承甯不置邑衛爲欺罔帝以責雲元雲元乃上買禦夷之法來則安之不專在攻取也今水西已納款惟明定疆界俾自耕牧以輸國賦若設官屯兵此地四面孤懸中限河水不利應援築城守渡轉運煩費且內激關州必死之關外挑水西扼吭之嫌兵端一開未易猝止非國家久遠計帝獨未許後勸其地果如所議論桃紅場功進少師世應錦衣指揮使一品六年滿加左柱國再議平賊功世應錦衣指揮僉事十年安位死無嗣族屬爭立朝議又欲郡縣其地雲元力爭遂傳檄土目布上威德諸蠻爭納土獻重器雲元乃裂疆域衆建諸蠻復上疏曰水西有宜慰之土有各目之土宜慰公土宜還朝廷各目私土宜界分守籍其戶口徵其賦稅殊俗內嚮等之編氓大方西溪谷里北那要害之地築城戍兵足銷反側夫西南之境皆荒服也楊氏反播耆氏反薩安氏反水西演之定番小州耳爲長官司者十有七數百年來未有反者非他苗好叛逆而定番性忠順也地大費跋扈之資勢驕者保世之策今臣分水西地授之

酋長及有功漢人咸俾世守虜政苛斂一切國除參用漢法可為長久計因言其便有九不設郡縣置軍衛因  
 其故俗土漢相安便一地益鞏關聚落日繁經界既正土酋不得侵軼民地便二黔地荒确仰給外邦今自食  
 其地省轉輸勞便三有功將士酬以金則國幣方區酬以爵則名器將輕錫以土田於國無損便四既世其土  
 各圖久遠為子孫計反側不生便五大小相維輕重相制無事易以安有事易以制便六調農治兵耀武河上  
 俾賊遺孽不敢窺伺便七軍民願耕者給田且耕且守衛所自實無勾軍之累便八軍耕抵餉民耕輸糧以屯  
 課耕不拘其籍以耕聚人不世其伍便九帝咸報可（元末宋授元也永甯今敘永勝附郭縣在永甯河西岸其  
 河東北流至納陽縣入大江納陽北岸即瀘州也瀘州今  
 在瀘縣牛頭鎮在新都縣即瀘州鎮與名也錦江流而下錦當為沿重慶南據大江東北據嘉陵江當二江  
 之合惟西面通陸佛圖關在巴縣西建武所在興文縣長甯軍今長甯縣皆屬敘州府長甯在永甯西北故由  
 此過兵也水西烏江也烏江上流曰陸廣河自大定府西流入東迤邐節平遠之北大定黔西滇義之南下  
 流至川中入江安氏所據水西今黔西州直永甯之南其西曰大方今大定府大定之北赤水又北摩尼又北  
 普市又北即永甯矣麻坡坎在永甯西長甯之南觀音庵青山嶺天蓬洞皆自長甯而南東備於永甯西南也  
 十處坎老君營涼鐵舖橫山香永甯西南寨名青岡坪則其西南三十里地矣紅巖大國在永甯東南十里大  
 定府西北五十里天台又在其南白巖楠木諸國在遠北非平遠州西四十里之白巖也紅渡營在其北密  
 羅州在永甯東黔西西北龍場客仲壩在仁懷縣西南赤水之西福州北也鐵金關在黔西州西北白巖在  
 平遠州西北層壘在赤水西南屬今畢節縣苗苗民仲亦苗也烏撒今威寧州鴨池河上流為三岔河在平遠  
 州東下流入龍廣河平遠州即比喇也五峰山紅土川桃紅壩皆在平遠州西北威寧縣東南安莊衛即威  
 寧州定番屬貴陽府威濟今清鎮縣平越今為府清平今為縣偏倚在鎮遠府西洪邊今開州屬貴陽府曲江  
 獨在臨安  
 府東北

召王拾拜工部左侍郎攝部事兵部尚書王在晉繼帝召見羣臣奇洽狀貌即擢任之上疏陳軍政十事曰嚴

價賄修武一核實兵衛將材戰賊賊德股節外調險惡和靈舉異才再盜賊帝並獲納宣大總督王象乾與吳  
國樞撫張宗衡爭插漢款戰事帝召諸大臣平靈詰問良久洽及諸執政並主象乾策定款讓詳見象乾宗衡  
傳尋上言祖宗養兵百萬不費朝廷一錢屯田是也今遼東承平天津登萊沿海荒地及寶坻香河灤瀾五田  
三河順義諸縣州田百萬頃元虞集有京東水田之議本朝萬曆初總督張佳允巡撫張國彥行之爾鎮爲豪  
右所阻其後巡撫汪應蛟復行之河間今已墾者荒未墾者豈不間遼天施地生之利而日講生財之術爲養  
軍資不大失策乎乞敕諸道密司遵先朝七分防護三分屯墾之制實心力行庶國計有俾軍食無缺帝稱善  
卽命行之

照文燦巡撫福建海上故多劇盜袁進李忠既降楊大楊七及鄭芝龍繼起總兵官俞咨皋招六七降芝龍獨  
傲如故然芝龍常敗都司洪先春稱不追獲一遊擊不殺咨皋戰敗縱之走當事知其可撫遣使諭降之文燦  
手書邀芝龍使爲己用其黨李魁奇再降再叛去芝龍擊高之海警漸患而鎮斌又起斌初亦就撫後復叛寇  
漳州文燦誘斌往泉州令芝龍擊敗之既而感之大洋斌投海死閩中屢平巨寇皆芝龍力文燦亦叙功增秩  
焉

召楊鶴拜左僉都御史進左副都御史鶴上言國治之要在培元氣自大兵大役加派頓仍公私交罄小民之  
元氣傷自遼左黔黔喪師失律暴骨成邱封疆之元氣傷自招捕擒賊彼此相傾逆奄乘之誅錫營類士大夫



之元氣傷譬如重病初起百脈未調風邪易入道在培養時以爲名醫先是遠左用兵逃軍懼不敢歸伍相聚  
劉虜主是關中頻歲祿有司不恤下白水王二君鳩衆應其而闖入澄城殺知縣張耀采由是府谷王嘉允漢  
南王大斃隋州周大旺羣賊竄起三邊饑軍應之流氛之始也當是時承平久卒被兵人無固志大更惡聞賊  
曰此賊根徐自定耳明年總督武之望死久之廷臣莫肯往者羣推鶴帝召見鶴問方略對曰清慎自持撫綏  
將卒而已遂拜鶴兵部右侍郎代之望總督陝西三邊軍務至則大築大旺王二已前誅滅而繼起者益衆鶴  
察有清望然不知兵

蘇如蕪爲將持重更歷七鎮所在見稱自隆慶後款市既成燁燁少警警下視鎮帥爲外府山人雜流乞朝士  
尺禮往者無不鑿所欲餉鎮戚縱光有能詩名尤好延文士傾貲結納取足軍府如蕪亦能詩士趨之若鶩資  
庫常滿妻楊氏繼妻南氏皆貴家女至脫簪珥供寒餉不給軍中忠苦之如蕪莫能却也一時風會所向諸邊  
物力爲耗職者歎焉

二年金聲上疏言陛下曉夜焦勞日親天下之事實未嘗日習天下之人必使天下才不才及才長短一一  
程遠不齊方可斟酌位置往者陛下數召對羣臣問無所得鮮當理心遂厭薄之臣愚妄謂陛下泰交尙未服  
厭問尙未盡不得請召對無益也願自今間日御文華令京卿翰林參諫及中行評博等官輪番入直博咨廣  
論而內外有歸業者亦得不時進見政事得失軍民利病廟堂舉錯邊塞情形皆與臣工考究於燕閒之間庶

月既久品益顯臣才不才及才長短豈得過聖帝未及報野再疏懇言之終不用

(三年)夏五上嘗臣率竊明拱明提兵襄嶽以奏紅崖墩諸捷乃行問諸將未覩賊面獲皆誇張及乎對壘聞風先遁敗於賊者唯恐人之勝怯於賊者唯恐人之強如總兵李維新渡河一戰敗劔歸營反閉門拒臣不容一見以六尺軀巖肩男子息一巾幗婦人靜夜思之亦當愧死帝優詔報之命文武大吏皆以禮待不得疑忌

夏玉石柱女土司慕夏玉也

何剛字潑人上海人崇禎三年舉於鄉見海內大亂慨然有濟世之志交天下豪俊與東陽許都晉語之曰子所居天下精兵處盡練一旅以待用都諾而去十七年正月入都上拜言國家設制科立資格以約東天下豪傑此所以弭亂非所以戡亂也今日救生民匡國莫急於治兵陛下誠簡強壯英敏之士命知兵大臣教習之講鎗鎗鍊筋骨拓胸膈習時召而試之學成優其秩寄以兵柄必能建奇功臣讀戚繼光再繼光數言義烏東陽兵可用誠得召募數千加之訓練準繼光遺法分布河南郡縣大寇可平因薦都及錢塘進士姚奇允桐城諸生周岐陝西諸生劉湘客絳州舉人韓霖帝壯其言即擢剛職方主事募兵金華而都作亂已前死霖亦爲賊用剛不知故並薦之

賀世龍進左都督時燧化永平遷安灤州四城失守已三月承宗大騭隔關門與世龍諸軍聲息斷絕帝急詔四方兵勦王昌平尤世威前鎮楊驤基保定曹鳴雷山海宋偉山西王國樞固原楊麒廷綏吳自勉臨洮王承

恩膏尤世祿甘肅楊嘉謨所將皆諳邊境卒內地則山東河南南柳湖廣浙江江西福建四川諸軍亦先後至并壁劍門觀望不進給事中張第元上言世龍在關數載績效無聞非若衛霍之儔功名足以服人也諸帥宿將非世龍偏裨欲驅策節制誰能甘之師老財匱銳氣日消延及夏秋將有不可言者帝以世龍方規進取不絕其資時大壽於五月十日薄瀛州明日世龍等以師會又明日復其城十三日遊擊新國臣復遷安明日副將何可綱復永平又二日別將復遼化閱五月四城始復論功大壽最世祿次之

梁廷棟以兵食不足將加賦因言今日國左雖窮然不窮於邊餉也一歲中陰爲加派者不知其數如朝覲考滿行取推陞少者費五六千金合海內計之國家選一番守令天下加派數百萬巡按查盤訪緝餽遺謝薦多者至二三萬金合天下計之國家選一番巡方天下加派百餘萬而曰民窮於邊餉何也臣考九邊額設兵餉兵不過五十萬餉不過千五百三十餘萬何憂不足故今日民窮之故惟在官食使貪風不除卽不加派民愁苦自若使貪風一息卽再加派民懼忻亦自若疏入帝俞其言下戶部協議戶部尙書畢自嚴阿廷棟登卽言今日之策無論加賦請敵加九釐之外再增三釐於是增賦百六十五萬有奇海內並咨怨已陳賢弊五事曰屯田曰鹽法曰錢法曰茶馬曰積粟又核陳陝西致寇之由請重懲將吏貪汙者以紓軍民之憤悉叛亂之源帝皆鑒納廷棟居中樞歲餘所陳兵事多中機宜帝甚倚任然頗挾數行私不爲朝論所重

魏星濤疏陳兵屯之策請敕順天保定兩巡撫簡所部壯士大邑五百人小邑二三百人分營訓練而天津臨

鳳麟遼州范景文昌平侯恂並建議釵宜令陳兵之外兼營屯田又陳崗海刺撫權宜大事並議行

吳執御旨往者邊警衰崇煥王元雅擁金錢數百萬士馬數十萬狼狽失守而史應聘王象雪張星左應選以

一邑抗強敵故曰籌邊不在增兵餉而在擇人請繼輔東北及秦晉沿邊州縣選授精敏甲科賜靈丹界本地

租賦撫練軍民自禦寇邊關文武吏繕修戰守外資以理財如先臣王鞠葉盛輩所爲客兵可撤餉省可數百

萬帝時未嘗執御所論繼輔秦晉也而曰歲賦留本地則國用何資不聽

王國見宣德七年奏  
然事見景泰二年

是時秦地所徵曰新餉曰均輸曰閒架其目日增吏因緣爲姦民大困以給事中劉繼讓裁驛站山陝游民仰

嗷嗷者無所得食俱從賊賊轉盛兵部郎中李繼貞奏曰延民饑將盡爲盜請以帑金十萬振之帝不聽

(四年)賊神一元死第一魁圖慶陽陷合水鎮關移駐甯州一魁求撫送還合水知縣蔣應昌別賊拓先齡金

翅鵬過天星田近菴獨類虎上天龍等亦先後降鶴設御座於城樓賊跪拜呼萬歲鶴宣聖諭令設誓或歸伍

或歸農賊伴應之則立赦其罪羣盜自是視總督如兒戲矣鶴又以一魁最強致其塔帳中同臥起而一魁果

至數以十罪則稽首謝即宣詔赦之界以官處其衆四千餘人於甯塞使守備吳宏器護焉文煥聞之歎曰甯

塞之役賊畏我而逃今者賊僞降楊公信之借名城爲盜資我宗人可與賊逼處此土乎遂以其族行

甯塞在延安文

續社文  
煥也

洪承疇受賊降命人龍勢以酒伏兵擊斬三百二十人其冬張福增代承疇遣人龍刺賊黨雄斬獲二百有奇

人龍寶  
人龍也

魏呈潤疏言驛站所裁纔六十萬未足充軍餉十一而郵傳益疲勢必再編里甲是猶剜肉醫瘡未瘳而肉先潰關外舊兵十八萬額餉七百餘萬今兵止十萬七千合前門搜卒非溢原數加派五百九十萬外新增又百四十餘萬猶憂不足可不為稽核乎邊報告急非臣子言功之日而小捷頻聞驟加峻秩門客廝養詭名戎籍不階而升悉糜俸料臣懼其難繼也江淮旱災五湖之間海岸為谷芻穀不登新絲未熟上供織造宜且暫停銓法壞於事例正途日蹙不可不疏通據按諸臣捐贊助餉大抵索之民間顧泰急公之憂上蒙而下削不可不禁飭又條陳數策請大修北方水政帝皆納其言

祁彪佳上合籌天下全局疏以策關甯制登海為二大要分析中州秦晉之流賊江右楚粵之山賊浙閩東粵之海賊滇黔楚蜀之土賊為四大勢極控制駕馭之宜而歸其要於戡行伍以節餉實衛所以銷兵復陳民間十四大苦曰里甲曰虛糧曰行戶曰搜贓曰欵提曰隔提曰許設曰窩訪曰私稅曰私鑄曰解運曰馬戶曰鹽丁曰離民帝替其言下之所司

〔五年〕賊圍合水文詔往救賊匿精銳以千騎逆戰誘抵南原伏大起城上人言曹將軍已歿文詔持矛左右突匹馬縶萬眾中諸軍望見夾擊賊大敗僞屍蘇野

文詔曹文詔也

左良玉少孤育於叔父其貴也不知其母姓長身頰面顴勇普左右射目不知得多智謀撫士卒得其歡心以

故賊有攻時陝西賊入河南國懷慶召陳令夏五將昌平兵往剿大指襄陽河南會賊寇修武清化者竄入平陽因據夏五入山西禦之頗有新獲河南巡撫樊尙環以夏五駐澤州扼豫晉咽喉可四面爲援兵詔從之時曹文詔將陝西兵帝令夏五受尙環節制與文詔同心討賊有急則募兵東豫兵西夏五兵從中橫擊

李九成孔有德圍萊州山東巡撫徐從治中殿死擢大典右叅都御史代之詔駐青州調度兵食七月登萊巡撫謝澧復陷於賊總督劉宇烈被逮乃罷總督及登萊巡撫不設專任大典督主客兵數萬及關外勁旅四千八百餘人合剿之以總兵金國奇將率副將靳國臣劉邦域參將祖大綱祖寬張韜遊擊柏承福及故總兵吳襄襄子三桂等以中官高起潛監護軍餉抵德州賊復犯平度副將半文綬何維忠等救之殺賊魁陳有時維忠亦被殺八月巡按監軍御史謝三賓至昌邑請斬王洪劉國柱詔逮治之兵部尙書熊明遇亦坐撫讓國罷去三賓復抗疏請絕口勿言撫事國奇等至昌邑分三路國奇等關外兵爲前鋒鄧紀步兵繼之從中路仄罕進昌平總兵陳洪範副將劉澤清方登化從南路平度進參將王之富王文緯等從北路海廟進機遊擊徐元亨等率募陽師來會以半文綬守新河諸軍皆攜三日糧盡抵新河東岸亂流以濟祖寬至沙河有德迎戰寬先進國臣繼之賊大敗諸軍乘勝追至城下賊夜半東遁國始解守者疑賊誘敵拒之起潛遣中使入諭聞城相慶明日南路兵始至國奇等遂擊賊黃縣斬首萬三千俘八百逃散及臨海死者數萬賊竄歸登州國臣等築長圍守之城三面距山一面距海牆三十里而遙東西俱抵海分番戍賊不能出發大礮官軍多死傷李

九成出戰相當十一月九成搏戰降者洩其謀官軍合擊之賊於陣賊乃曉夜哭賊渠魁五九成有德有時耿  
仲明毛承祿也及是殺其二帝以解圍功進大典右副都御史將吏陞賞有差是月國奇卒以襄代攻圍既久  
賊糧絕恃水城可走不降及王之宮祖寬奪其水門外護牆賊大懼六年二月中旬有德先遁載子女財帛出  
海仲明以水城委副將王秉忠己亦以軍餉道官軍送入大城攻水城未下遊擊劉百佐獻謀城策置人承福  
寺中穴城置火藥發之城崩官軍入賊退保萊閣大典招降始釋甲俘千餘人獲秉忠及僞將七十五人自  
縊及投海死者不可勝計賊盡平有德等走旅順島帥黃能邀擊生禽其黨毛承祿陳光福蘇有功斬李應元  
惟有德仲明逸去乃獻承祿等於朝磔之先一日有功脫械走帝震怒斬監守官刑部郎多獲罪未幾被執伏  
誅叙功進大典兵部右侍郎世膺錦衣百戶巡撫如故大典朱太興也有德等皆毛文龍部曲文龍死撤授大  
平度西藥石河濱南路平度今平度州北路海衛生平度西北海口在平度州西南即膠萊河也沙河  
在即墨下流入海疑即墨河別名也遼萊閣在登州府城中旅順島今旅順海口在衛海縣南百二十里登萊  
口也

六年陳奇瑜上疏極言鄧廷遠鎮城千餘里饑荒盜賊狀詔免廷安慶陽田租奇瑜乃遣副將盧文晉討斬  
戴山虎柳盜跖金翅鵬等遣游擊常懷德斬薛仁貴參政戴君恩斬一條龍金剛鐵開山鶴黑煞神令中虎  
五關王馬十飛都督傲思賢斬王登槐趙檢羅楚斬馬紅狼滿天飛參政張伯鯨斬滿鵝高致參翹隔清飛  
守備關士衡斬張聰樊登科樊計榮一塊鐵背狼穿山甲老將軍二將軍滿天星上山虎把總白士斬掃

地虎守備郭金城斬扒地虎括天飛守備郭太斬跳山虎新來將就地滾小黃鸞房日兔游騾世助斬賈  
管通上天小紅旗他將斬草上飛一隻虎一翅飛雲裏手四天王薛紅旗獨尾狼諸渠魁略盡奇瑜乃上疏曰  
流寇作難始於歲饑而成於元兇之煽誘致兩三路皆盜藪今未頓一兵未絕一輩禽斬頭四百七十七人  
及其謀千有奇頭目既除餘黨自散向之斬木揭竿者今且荷鋤負耒矣帝嘉之令錄有功將士以閱延綏  
賊多解獨續天哨開山斧據承甯關承甯在鎮城東前阻山下臨黃河數年不下奇瑜謂是不可以力取乃陰  
僞親士陽言繼制檄發兵令與人能將之而西身爲後勁直抵延川俄策馬東曰視吾馬首所向潛師疾入  
山賊不虞大兵至驚潰焚其巢斬首千六百有奇一賊俱滅分兵擊斬金翅鵬一座城獲首五百五十延水羣  
盜盡平奇瑜威名著顯諒於是孽盜盡萃於山西流突河北畿南冬冰堅從灑池渡渭河南湖廣窺四川

延川

盧象昇每臨陣身先士卒與賊格鬪刃及鞍勿顧失馬卽步戰逐賊危崖一賊自縊射中象昇額又一矢僕夫  
斃馬下象昇提刀戰益疾賊賊走相戒曰盧廉使遇卽死不可犯象昇以是有能兵名賊懼南渡河

插漢虎墩兔合套寇犯甯夏總兵賀虎臣戰歿詔起世龍代之世龍生長甯夏習其形勢大修戰備明年正月  
二部入犯遣參將卜應第大破之斬首二百有奇踰月套寇犯賀蘭山世龍遣丁潛入其營賊其長撒兒甲  
新級如前未幾插節大舉入寇世龍遣副將囊光先等分五道伏要害而已中道待之夾擊斬首八百有奇

世龍



賈世

(七年)陳奇瑜上言楚中屢捷一時大盜幾盡其竄伏深山者臣督鄉兵為密道無穴不搜楚中漸有甯宇帝  
 嘉勞之乃督副將劉遷等搜竹谿平利賊追至五狼河禽其魁十二人遣參將賀人龍等追八晝夜至紫陽賊  
 死者萬餘人先是賊入蜀復自蜀入秦由陽平關奔鞏昌承購禦之秦州賊遂赴兩當襲破鳳縣分為二一向  
 漢中取間道犯城固洋縣一由鳳縣奔寶雞汧陽於是賊在平利洵陽間者數萬自四川入西鄉者二三萬犯  
 城固洋縣者又東下石泉漢陰會漢興龜商雒當是時奇瑜以湖廣賊黨鼓行而西謂賊不足平也乃遣游擊  
 唐通防漢中以陳藩封遣參將賀人龍劉遷夏鎮扼略陽西縣防賊西遁遣副將楊正芳余世任扼褒城防賊  
 北遁自督副將楊化麟柳國鎮等駐洋縣防賊東遁又檄練國事盧象昇元獻各守要害截賊奔逸賊見官軍  
 驟集大懼悉遁入興安之車啣峽請渠魁李自成張獻忠等威在馮峽四山巖立中互四十里易入難出賊誤  
 入其中山上居民下石擊或投以炬火山口礮石塞路絕無所得食困甚又大雨二旬弓矢盡脫馬乏斃死者  
 過半當是時官軍威之可憐自成都勢絀用其黨顧君恩謀以重寶賄奇瑜左右及諸將帥偽請降奇瑜  
 無大計遽許之先從者三萬六千餘人悉勞遣歸農每百人以安撫官一護之檄所過州縣具糗糧傳送諸將  
 無邊擾亂事諸賊未大創降非實也既出棧道遂不受約束盡殺安撫官五十餘人攻掠諸州縣關中大震奇  
 瑜惟失計乃委罪他人以自解

五穀河在平利縣  
 車啣峽在興安府

陳國事上言漢南賊悉入棧道奇瑜檄止兵臣未知所撫實數及見奇瑜疏八大王部萬三千人賊子塊部  
萬五百餘人張妙手部九千一百餘人八大王又一部八千三百餘人臣不覺仰天長歎夫一月內無強寇四  
萬餘寇從棧道入內地食飲何自出安得無剽掠且一大帥將三千人而一賊魁反擁萬餘衆安能受紀律卽  
藉口回籍延安州縣驟增四萬餘人安集何所合諸征剿兵不滿二萬而降賊踰四萬豈內地兵力所能支宜  
其並隔名城而不可救也若管臣不堵剿則先有止兵檄矣若云賊已受撫因誤殺使人致然則未誤殺之先  
何爲破麟游承壽今事已至此惟急調大軍致討若仍以願回原籍禁兵勿剿三秦之禍安所終極哉疏入事  
已不可爲遂逮下獄

陳奇瑜失李自成於車箱廷議合晉瑜楚蜀兵四面剿之賊乃分軍三一向慶陽一趨鄜陽而一出關趨河南  
趨河南者又分爲三郡邑所在告急良玉扼新安湖池他將陳治邦駐汝州陳永福扼南陽皆坐甲自保而已  
不能大創賊也賊每營數萬兵番進皆因糧宿飽我兵寡備多饋餉不繼賊介馬馳一日夜數百里我步兵多  
騎少行數十里輒疲乏以故多畏賊而良玉在懷慶時與晉撫議不合因是生心緩追殺寇多收降者以自重  
晉撫檄調不時應命稍稍露賊懸端矣頁五左

陳奇瑜旣罷卽命三邊總督洪承疇兼督河南山西湖廣軍務則中原羣盜言官以承疇勢難兼顧請別遣一  
人爲總督風翼不能決旣而承疇竟無功及賊將南犯請以江北巡撫楊一鵬鎮鳳陽防護皇陵溫體仁不聽

鳳翼亦不能再請八年正月賊果燬鳳陽皇陵言官交章劾鳳翼鳳翼亦自危引罪乞罷帝不許令戴罪視事初賊之犯江北也給事中桐城孫晉以鄉里爲憂鳳翼曰公南人何憂賊起西北不食稻米賊馬不飼江南草田者笑之事益急始令朱大典鎮鳳陽尋推盧象昇爲總理與洪承疇分討南北賊而賊已蔓延不可制矣

鳳翼張鳳翼也

張鳳翼督剿賊之役原議集兵七萬二千隨賊所向以殄滅爲期督臣承疇以三萬人分布豫楚數千里力薄又久戍生疾故尤世威徐來朝俱潰以二萬人散布三秦千里內勢分又孤軍無援故艾萬年曹文詔俱敗今既益以祖寬李重鎮倪寵牟文綬兵萬二千又募楚兵七千合九萬有奇兵力厚矣請以賊在關內者屬承疇在關外者屬象昇倘賊盡出關則承疇合剿於豫盡入關則象昇合剿於秦臣更有慮者賊號三四十萬更迭出犯勢衆而力合我零星四應勢寡而力分賊所至因糧於我人皆宿飽我所至樵蘇後難動輒呼庚賊馬多行疾一二日而十會可至我步多行緩三日而重藏難馳衆寡饑飽勢逸之勢相懸如此賊何日平乞嚴敕督理二臣選將統軍軍各一二萬人俾前茅後勁中權聯絡相貫然後可制賊而不爲賊制今賊大勢東行北有黃河南有長江東有漕運彼無舟楫豈能飛越我兵從西北窮追猶易爲力此防河扼險目前要策所當申飭者也帝稱善命速行之

陳新甲以戎備久弛親歷邊垣經前人足跡所不到具得土馬損耗城堡傾頽弓矢甲仗朽敝狀屢疏請於明

加整飭邊山賴之

〔八年〕曹文詔會總督洪承疇於信陽承疇大喜卽令擊賊隨州文詔追斬賊三百八十有奇四月承疇次汝州以賊盡入關中議還顧根本分命諸將扼要害檄文詔入關文詔乃馳至靈寶謁承疇承疇以賊在商雒關官兵至必先走漢中而大軍由潼關入反在其後乃令文詔由關鄉取山路至雋南商州直搗賊巢復從山陽鎮安和陽入漢中遇其奔軼曰此行也道路回遠將軍甚勞苦吾集關中兵以待將軍拊其背而遣之文詔踴馬去五月五日抵商州賊去城三十里營火滿山文詔夜半率從子參將雙蛟守備鼎蛟都司白廣恩等敗賊深林中追至金嶺川賊據險以千騎逆戰雙蛟大呼陷陣諸軍並進賊敗走雙蛟勇冠三軍賊中聞大小曹將軍名皆怖懼已而關王八大王諸賊犯鳳翔趨汧陽隴州文詔自漢中馳赴賊壘向靜甯秦安清水秦州關寨且二十萬承疇以文詔所部合張全昌張外竊軍止大千衆寡不敵告急於朝未得命六月官軍遇賊亂馬川前鋒中軍劉宏烈被執俄副將艾萬年柳國鎮復戰死文詔聞之瞋目大罵亟詣承疇請行承疇喜曰非將軍不能滅此賊顧吾兵已分無可策應者將軍行吾將由涇陽趨清化爲後勁文詔乃以三千人自甯州進遇賊真甯之湫頭鎮雙蛟先登斬首五百追三十里文詔率步兵繼之賊伏數萬騎合圍矢鏑集賊不知爲文詔也有小卒縛急大呼曰將軍救我賊中叛卒識之甚賊曰此曹總兵也賊喜圍益急文詔左右跳蕩手擊殺數十人轉關數里力不支拔刀自刎死游擊平安以下死者二十餘人承疇聞拊膺大哭帝亦痛悼

亂馬川未聞  
賊頭鎮在真

艾萬年嘗滅賊之法不外剿撫今剿撫俱未合機宜臣不得不極言夫剿賊不懲賊多懲賊走蓋疊嶂重巒皆其淵藪兵未至而賊先逃所以難滅其故則兵寡當事非不知兵寡因糧糧不足爲苟且計日引月長以至於今雖多措餉多設兵而已不可救矣宜合計賊衆多寡用兵若干餉若干度其足用然後審察地利利用正用奇用伏用間或擊首尾或衝左右有不即時殄滅者臣不信也次則行堅壁清野之法困賊於死地然後可曾撫蓋羣賊攜妻挈子無城柵無輜重暮楚朝秦傳食中土以剽掠爲生誠令附近村屯移入城郭儲精兵火器以待之賊衣食易盡生理一絕烏驚鼠竄然後選精銳據要害以擊之或飽陸下好生之心誅厥渠魁宥其脅從不恤仁不損威乃撫剿良策帝深嘉之

賊陷鳳陽世威以三千五百騎赴之抵亳州會總督洪承疇出關討賊次信陽命世威趨汝州甫二日承疇亦至時賊見河南兵盛悉奔入關中承疇將入關征討乃大會諸將令分防汝雒諸要害以世威部下曾勳旅與參將徐來朝分駐采甯盧氏山中以扼維南關草川朱陽關之險戒之曰靈陝賊所出入汝勿懈及承疇既入關賊避之而南復由藍田走盧氏扼於世威仍入商雒山中來朝所部三千人不肯入山大譟賊至來朝逃一軍悉殲世威軍屢討久大疫與賊戰失利世威及游擊劉肇基羅岱俱負重傷軍大潰賊遂越盧氏走采甯事聞命將任候勘十年宜大總督盧象昇曾世威善撫士卒曉軍機徒以數千客放久戍荒山疾作失利今當用

兵時驚之可惜乃命赴象昇軍自效

蕭草川朱陽陽皆在盧氏縣世感尤世感也

給事中何楷陳靖海之策言自袁進李忠楊祿楊策鄭芝龍李魁奇鍾斌劉香相繼爲亂海上虛無實思今欲靖寇氛非墟其窟不可其窟維何臺灣是也臺灣在澎湖島外距漳泉止兩日夜程地廣而腴初貧民時至其地規魚鹽之利後見兵威不及往往聚而爲盜近則紅毛築城其中與奸民互市屹然一大部落墟之計非可干戈從事必廢通海之禁俾紅毛無從謀利奸民無從得食出兵四犯我師乘其虛而擊之可大得志紅毛會此而去然後海氣可靖也時不能用

〔九年〕先是大帥曹文詔艾萬年陣亡尤世威敗虜諸將率畏賊不敢前象昇每慷慨瀝泣激以忠義軍中奮絕三日餉象昇亦水漿不入口以是得將士心戰輒有功九年正月大會諸將於鳳陽象昇乃上言曰賊橫而後調兵賊多而後增兵是爲後局兵至而後議餉兵集而後請餉是爲危形况請餉未敷兵將從賊而爲寇是八年來所請之兵皆賊黨所用之餉皆盜糧也又言總督總理宜有專兵專餉請調咸甯甘肅之兵屬總督餉邊關甯之兵屬總理又言各省撫臣俱有封疆重任毋得一有賊警卽求援求調不應則吳越也分應則何以支又言兵諫諸臣不問難易不顧死生專以求全責備雖有長材從何展布臣與督臣有剴法無堵法有戰法無守法言皆切中機宜

象昇直隸

是時趙豫賊及迎祥等俱在秦楚蜀之交萬山中象昇自南陽趨襄陽進兵賊多兵少而河南大饑餉乏邊兵

益海海承賜象昇讓關中平曠利騎兵以寬重鎮軍入陝而襄陽均宜穀上津南漳環山皆賊七月象昇渡浙河而南九月追賊至鄆西京師戒嚴有詔入衛再賜尙方劍既行賊遂大逞駸駸乎不可復制矣

迎祥高迎祥也象昇盧忠

各

孫傳庭泄秦嚴徵發期會一從軍興法秦人愛之不如總督洪承疇然其才自足辦賊賊首整齊王據商維諸將不敢攻檄副將羅尙文擊斬之當是時賊亂關中有名字者以十數高迎祥最强拓養坤黨最衆所謂闖王獨子塊者也傳庭設方略親擊迎祥於盤屋之黑水峪禽之及其僞領哨黃龍總管劉哲獻俘闕下錄功增秩一等而賊黨自是乃共推李自成爲闖王矣

給事中陳昌文上言將在軍君命有所不受今既假督理二臣以便宜則行軍機要不當中制若今日議不許斬級明日又議必斬級今日議徵兵援鳳明日又議撤兵防河必至無所適從願樞臣自今凡可舉督撫之肘者俱寬之文法俾得展布可也兵法守敵所不攻攻敵所不守奇正錯出滅賊何難今不惟不能滅乃今日破軍殺將明日又陷邑殘州止罪守令而不及巡撫豈法之平願樞臣自今凡可責諸撫之成者勿寬文法俾加磨礪可也帝納其言

賊走登封石陽關與伊嵩賊合九州期良玉夾擊良玉半道歸九州以孤軍千二百人由嵩縣深入賊壘敗窮追四十餘里誤入深崖遇賊數萬奮險攻圍九州勢不敵夜移營爲賊所乘遂戰歿

九州湯九州也石陽亦作石羊關在登封東南告成

〔十年〕拜熊文燦兵部尚書兼右副都御史代王家禎總理南畿河南山西陝西湖廣四川軍務文燦拜命卽請左良玉所將六千人爲己軍而大募粵人及烏蠻精火器者一二千人以自饒弓刀甲冑甚整次廬山謁所督僧空隱僧迎謂曰公誤矣文燦屏人問故僧曰公自度所將兵足制賊死命乎曰不能曰諸將有可屬大事當一面不煩指揮而定者乎曰未知何如也曰二者既不能當賊上特以名使公厚望一不效誅矣文燦却立良久曰撫之何如僧曰吾料公必撫然流寇非海寇比公其慎之當是時嗣昌建四大隅之策增兵餉大半期滅賊賊頗懼及文燦至京軍屢捷益懼文燦願決計招降初抵安慶卽遣人招張獻忠劉國能二人勸命乃益刊招降檄布邇都又請盡遷民與眾閉城中賊無所掠當自退帝怒譴讓文燦嗣昌亦心非之既已任之則曲爲文燦解因其請畀以畿輔山西兵各三千明年國能果降而獻忠與張殺城會得功又大破賊舞陽馬士秀杜應金夜半降信陽城下獻忠爲左良玉所創幾被禽其下饑困多散去獻忠窮蹙亦因陳洪範以降

歸

余應桂乃陳撫剿始末自己無罪而誅文燦曾正月初讓撫劉國能其黨李萬慶等諸大賊盡走泌陽乘勝時文燦良玉並在德安臣以爲兵勢方盛宜乘此追剿而文燦調良玉諸軍盡赴信陽剿馬進忠臣謂進忠小寇勝之不武文燦不聽自此機一失賊走西而文燦東致張獻忠攻陷穀城以要撫李萬慶五都收餘燧勢復振



而豫楚之患遂自文燦之懷謙貽之矣追賊西潰之後運節上聞妄報斬級其自恃所長惟火礮火攻經通州縣用夫至八百死亡載道未見其一試也且文燦辦賊之策曰先撫後剿乃茶山不效麻城又不效第見招撫之旗絡繹於道一遣使招贖一龍而使者被殺一遣使招李萬慶而饒鹽椒運魚肉遇市賊反因之焚掠未見一賊歸順也天下有如是撫法乎其一切軍需悉取於所歷之有司名曰借辦致城市空虛子遺盡絕三月至麻城民不堪淫掠欲焚其署始踉蹌而走麻城文燦婿家也戚里如是餘可知矣三月在蕪水其兵殺鄉民擄民家環哭竟不敢治一兵蕪水文燦家國也鄉里如是餘可知矣是以捷報日張寇勢愈熾十三家之賊威臨南陽汝甯如履無人之境文燦駐宛汝已久調度不聞天下有如是剿法乎獻忠在穀城招納亡命賈馬置器人人知其巨測文燦顧欲借之爲前茅遣官調之非惟不應復留解餉之官求總兵湖廣今已造浮橋跨漢水矣文燦前既誇張而叙功復復掩覆而不報可不謂之欺君乎以總理之大柄畀之類驅之蓬夫臣不知其可也帝不納

文燦明然文燦  
茶山在蕪水北

軍象昇聞宣警卽夜馳至天城矢檄旁午言二百里外乞炭馬踰關踏四十里象昇曰此大舉也問入口乎曰未象昇曰稍欲右窺雲晉令我兵集宜則彼乘虛入耳因檄雲晉兵勿動自率師次右衛戒邊吏毋輕言戰持一月象昇曰懈矣可噉喻知三十六營離牆六十里潛召雲師西來宣師東來自督兵直子午出羊房堡計日

應戰乞援聞之羊遵象昇在陽和乞炭不敢近邊

天城衛今  
天鎮縣

梅麟昌積歲林居博涉文籍多識先朝故事工筆札有口辨帝與語大信愛之鳳翼故梁庠兵事無所區畫嗣  
昌銳意振刷帝益以爲能每對必移時所奏請無不聽曰恨用卿晚嗣昌乃請大舉平賊請以陝西河南湖廣  
江北爲四正四巡撫分剿而專防以延綏山西山東江南江西四川爲六隅六巡撫分防而協剿是謂十面之  
網而總督總理二臣隨賊所向專征討福建巡撫熊文燦者討海賊有功大旨自詭足辦賊嗣昌聞而喜之會  
總督洪承疇王家驥分駐陝西河南家驥故庸材不足任嗣昌乃薦文燦代之因議增兵十二萬增餉二百八  
十萬其措餉之策有四曰因糧曰溢地曰事例曰驛遞因糧者因舊額之糧量爲加派敵輸糧六合石折銀八  
錢傷地不與歲得銀百九十二萬九十有奇溢地者民間土田溢原額者核實輸賦歲得銀四十萬六十有奇  
事例者富民輸資爲監生一歲而止驛遞者前此郵驛裁省之銀以二十萬充餉議上帝乃傳諭流寇延蔓生  
民塗炭不禁兵無以平寇不增賦無以餉兵勉從廷議暫累吾民一年除此腹心大患其改因糧爲均輸布告  
天下使知爲民去害之意嗣昌既建四正六隅之說欲專委重文燦顧主撫議與前策抵牾帝聽文燦  
嗣昌亦心望既已任之則曲爲之解乃上疏曰網張十面必以河南陝西爲殺賊之地然陝有李自成惠登相  
等大部未能剿絕法當驅關東賊不使合而使陝撫斷商雋鄧撫斷邵襄安撫斷英大風撫斷毫潁而應撫之  
軍出陝保撫之軍渡延津然後總理提邊兵監臣提禁旅豫撫提陳永福諸軍并力合剿若關中大賊逸出  
關東則秦晉提曹變蛟等出關協擊期三月悉肅劇寇巡撫不用命立斃其兵柄簡一監司代之總兵不用命

立奪其帥印簡一副將代之監司副將以下悉以尙方劍從事則人人効力何賊不平乃尅今年十二月至明年二月爲滅賊之期帝可其奏

車駕出城鎧甲旌旗甚盛羣臣悉駕帶策馬從大軍望見乘輿皆呼萬歲帝大悅召完學入御帳賜餉以金  
扈然徒爲容觀而已時兵事益亟帝命京軍出防剿皆監以中官屢給優渥挾勢而驕多奪人俘獲以爲功輕  
折辱諸將士將士益解體屬延儒再入闕勸罷內操撤諸監軍京兵班師還時營將率內臣私人不知兵兵惟  
注名支糧買替紛紜朝甲專乙雖有尺籍莫得而識也帝屢旨訓練然日不過二三百人未嘗遂散營兵十萬  
倖抽驗不及玩愒佚罰者無算帝嘗問戎政侍郎王家彥家彥曰今日惟嚴買替之禁改操練之法庶可救萬  
一然勢已晚帝不憚而歷十六年襄城伯李國禎總戎政內臣王承恩監營京營明年流賊入居庸關至沙河  
京軍出禦關破聲潰而歸賊長驅犯關守陴者僅內操之二千人京師遂陷大率京軍積弱由於占役買聞其  
弊實起於統緒之營帥監視之中官竟以亡國云

(崇禎十一年)熊文燦在裕州馬進忠難汝才十三家賊聚兩陽文燦下令殺賊者償死賊不肯從則賣金帛  
酒半幅之名曰求賊帝謂得狀曰文燦大言無實文燦遜孫傳庭出關擊賊文燦不救而嗣昌已入政府掌中  
樞矣九月文燦次襄陽賊分踞鄭襄諸險諸將請戰文燦議分兵盧九德曰兵分則力弱一失利全軍接矣莫  
若厚集其力而合擊之衆曰誓乃以僉事張大經監大將左良玉陳洪範軍以通判孔與會監副將龍在田軍

戰於雙溝大破之斬首二千餘級羅汝才惠登相率九營走均州李萬慶率三營走光固十一月京師戒嚴召  
洪承疇孫傳庭入衛汝才等以爲討已也懼而叩太和山投符中官求攝於文燦許之處汝才及一丈青小秦  
王一條龍四營於鄭縣惠登相及王國留常德安楊友賢王光恩五營於均州上言臣於李萬慶賀一龍馬光  
及順天王主剿他皆主撫請赦汝才等罪授之官司之時京軍良玉軍皆以入衛行馬士秀杜應金遂叛於  
許州初士秀等降良玉以其衆處許之郊外許大州也良玉諸將奇擊與賄焉良玉久征不歸士秀應金在文  
燦軍中僞請急假良玉軍號入城夜半兵從府第出燒城南樓劫庫殺官吏挾其貲投萬慶萬慶者賊魁闖場  
大也十二年三月良玉還破降馬進忠使劉國能擊降萬慶士秀應金亦再降順天王已前死其黨順義王爲  
其下所殺文燦遂上言臣兵威震懼降者接踵十三家之賊惟革左及馬光裕三部尙稽天誅可歲月平也帝

優詔報之

關昌揚  
嗣昌也

象昇提殘卒宿野外畿南三郡父老聞之咸叩軍門請曰天下洶洶且十年明公出萬死不顧一生之計爲  
天下先乃奸臣在內孤忠見嫉三軍捧出關之機將士懷西歸之心棲遯絕野一飽無時脫巾狂噪雲帥其見  
告矣明公誠從愚計移軍廣順召集義師三郡子弟豈公之來皆以昔非公死賊今非公死兵同心戮力一呼  
而裏糧從者可十萬孰與雙臂無援立而就死哉象昇泣然流涕而謂父老曰感父老義雖然自予與賊角經  
數十百戰未嘗勦今者分疲卒五千大敵西衝援師東隔事由中制食盡力窮且夕死矣無徒累爾父老爲也

衆號泣雷動各搗牀頭斗粟餉軍或貽棗一升曰公煮餉糧

賊引而北犯延安傳庭策鄜州西合水東三四百里荒山窪谷賊入當自斃乃率標兵中部遇其東撤雙蛟慶陽拒其西伏兵三水潛化間賊饑出掠食則大張旗幟鳴鼓角以邀之一日夜斃二百五十里賊大驚西奔至鞏田莊遇伏而敗復走寶雞取棧道再中伏大敗折而走隴州關山道又爲伏兵所挫三敗賊死者無算過天

星混天星並降

傳庭孫傳庭也  
鞏田莊未闕

是時總理熊文燦主撫湖廣賊張獻忠已降惟河南賊如故羅汝才馬進忠賀一龍左金王等十三部西窺潼關聯營數十里傳庭計曰天下大寇盡在此矣我出擊其西總理擊其東賊不降則滅此賊平天下無賊矣獻忠即狙伏無能爲也乃遂引兵東大敗賊關鄉靈寶山間其營而東復自東以西賊窘甚以文燦招降手諭上曾旦夕且降傳庭曰爾曹日就熊公曹撫而日攻堡壘寨不已是僞也降卽解甲來有說卽非真降吾明日進兵矣明日擐甲而出得文燦檄於途中曰毋妬吾撫功又進得本兵嗣昌手書亦云傳庭快撤兵還

此亦孫傳

賊之再入秦也其渠魁號大隊者與大天王混天王爭管王四部連營東犯混天星過天星二部仍伏階文獨關將李自成以三月自洮州出番地承囑令雙蛟借個人能追之連戰斬首六千七百有奇番地乏食賊多死亡雙蛟轉戰千里得不解甲者二十七晝夜餘賊潰入塞大彌駐洮州扼戰不力乃走入岷州及西和禮縣山

中變蛟還刺賊伏匿不敢出惟大隊勢獨張六月光先自固原進兵賊已奔臨州清水光先追至秦州大隊及爭管王復走成縣階州爲變蛟所扼其別部號三隊及仁義王混天王降於光先而自成六隊及其黨祁總管避秦兵復謀犯蜀副將馬科賀人龍拒之將遁走階州及西鄉憚變蛟乃走漢中又爲光先所扼六隊祁總管皆降惟自成東還承曉令變蛟窮追而設三覆於瀘關之南原變蛟追及大呼斫賊伏毒起賊屍相枕藉村民用大棒擊逃者自成妻女俱失從七騎遁去餘皆降是時曹兵最强各鎮依之以爲固變蛟曹文詔從子也

左良玉與總兵陳洪範大破賊於郿西張獻忠假官旗號襲南陽屯於南關良玉適至疑而急召之獻忠逸去追及發兩矢中其肩復揮刀擊之面流血其部下救以免遂逃之穀城未幾請降良玉知其僞力請擊之文燦不許

〔十二年〕初張獻忠之降也擁兵萬人踞穀城索十萬人餉文燦及中外要人曰與之爲請官請地請關防矣獻忠列罪狀曰請備遣既而三檄其兵不應朝野知獻忠必叛也其後汝才降不肯釋甲及進忠萬陽等並降文燦以爲得策謂天下且無賊也五月獻忠遂反於穀城劫汝才於房縣於是九營俱反初均州五營懼見討自疑相與歃血拒獻忠無何亦叛去帝聞變大驚削文燦官戴罪視事七月良玉擊獻忠羅漢山敗績帝大怒命嗣昌來代嗣昌已至軍卽遣使逮文燦下獄坐大辟所親姚明恭柄國而不能救也十三年十月文燦竟棄

市文燦體  
市文燦也

楊嗣昌督師襄陽檄蜀軍受節度嗣昌以楚地廣衍賊難制驅使入蜀險阻賊不得逞感之可全勝又慮蜀重兵扼險賊將還毒楚調蜀精銳萬餘爲己用蜀中卒自是益罷弱不足支矣捷春憤曰令甲失一城巡撫坐今以蜀委賊是督師殺我也爭之不能得

捷春部

楊嗣昌出督師肯堂奏言從古戡亂之法初起則解散勢成則剪除未有專任撫者今輔臣膺新命而出賊必仍用故技伴搖尾乞憐而失事諸臣冀掩從前敗局必多方熒惑乃進撫請特申一令專務剿除有進招撫說者立置重典帝以偏執聽見責之肯堂

肯堂張

(十二年)楊嗣昌欲厚集兵力專守夔蜀甯昌噉賊官軍環攻之捷春曰棄隘口不守是延賊入戶也乃遣茂選及覃思岱等出關分守二將不相得思岱潛殺茂選捷春令兼統其衆其衆相率去賊入隘守者潰賊夜斬夔關將士大驚潰甯大竹皆陷

捷春請

自賊再入川諸將無一邀擊者嗣昌雖屢檄令不行其在重慶也下令赦汝才罪降則授官惟獻忠不赦高軒者資黃金爵侯翌日自堂皇至扈偏遇有新督師獻者資白金三錢嗣昌賊愕疑左右皆賊勒三日進兵會兩雲道斷復戒期三檄人龍不奉令初嗣昌表袁玉平賊將軍袁玉平欲欲與人龍以抗之既以瑪瑙山功不果人龍愾反以情告袁玉玉亦愾語載袁玉人龍傳嗣昌雖有才然好自用躬親簿冊過於繁碎軍行必自裁進止千里待報坐失機會王瓌求書諫之不納及瓌求罷官上拜於朝曰嗣昌用師一年陽平未奏此非謀

慮之不良正由操心之太善也天下事難擊大綱則易獨萬目則難況賊情瞬息更變今舉數千里征伐權宜盡出嗣昌一人文牒往返動踰旬月坐失事機無怪乎經年之不戰也其間能自出奇者惟瑞璠山一役若必遵督輔號令良玉當退守興安無此捷矣臣以爲陛下之任嗣昌不必令其與諸將同功罪但資其提衝諸將之功罪嗣昌之取諸將不必人人授以機宜但敷其機宜之當否則嗣昌心有餘閒自能決奮制勝何至久延歲月老師糜餉爲哉先是嗣昌以諸將進止不一納幕下評事元吉言用猛如虎爲總統張應元副之比賊入瀘州如虎及賀人龍趙光遠軍至賊復渡南溪越成都走漢州德陽綿州劍州昭化至廣元又走巴州達州諸軍疲極惟如虎驕其後嗣昌攝嗣昌也瑞璠山在太平縣

張獻忠陷瀘州其地三面阻江惟立石站可北走元吉以賊居絕地將遣大兵南擣其老巢而伏兵旁塞玉蟾寺獻賊北竄永川逆而擊之可盡殄永川知縣已先遁城中止丞簿一二人如虎兇鸞導不可得夜宿西關空舍及抵立石賊已先渡南溪竄走關中將賀人龍軍隔水不擊賊遂越成都走漢州德陽渡綿河入巴州元吉萬元

自如平猛如虎也

川撫邵捷春提弱卒二萬守重慶所倚惟良玉及張令二軍綿州知州駱遜之罷官歸捷春使接營疊見良玉軍驚心異之良玉爲置酒語遜之曰邵公不知兵吾一婦人受國恩誼應死獨恨與邵公同死耳遜之問故良玉曰邵公移我自近去所駐重慶僅三四十里而遣張令守黃泥窪殊失地利賊據歸巫萬山巔俯瞰吾營鐵



騎建衝下張令必破令破及我我敗尙能救重慶益乎且督師以蜀爲憂無愚智知之邵公不以此時爭山寨  
險令賊無敢開我而坐以設防此敗道也邇之深然之已而捷春移營大昌監軍萬元吉亦進屯巫山與相應  
援其年十月張獻忠連破官軍於觀音殿黃嶺遂從上馬渡過軍良玉借張令急扼之竹簡坪挫其鋒會令  
爲賊所殘良玉縲救不克轉關復敗所部三萬人略盡乃單騎見捷春請曰事急矣盡發吾僕嗣卒可得二萬  
我自願其半半餼之官猶足辦賊捷春見嗣昌與己左而倉無見糧謝其計不用良玉乃歎患歸時攜黃十三  
家賊橫蜀中有秦獻勳者良玉族人也爲賊耳目被禽殺獄卒遁去良玉捕執以獻無脫者張獻忠盡陷楚地  
將復入蜀良玉國全蜀形勢上之巡撫陳士奇請益兵守十三隘士奇不能用復上之巡按劉之勃之勃許之

而無兵可發

黃泥堡在巴縣東觀音殿在開州東南二黃嶺在開州西上馬渡在萬州竹簡坪俱疑在開州萬縣界

楊嗣昌薦良玉上雖敗有大將才兵亦可用遂拜平賊將軍當是時賊分爲三西則張獻忠踞楚蜀郊東則革裏  
眼左金王等四營豕突隨應麻黃南則曹操天星等十營伏漳房興連開闢正月良玉合諸軍擊賊於柳坪  
嗣獻忠敗走良玉乃賸從漢陽西鄉入蜀追之嗣昌謀以陝西總督鄒崇儉率留人龍李國安從西鄉入蜀而  
令良玉駐兵興平別遣偏將追嗣良玉不從嗣昌檄良玉曰賊勢似不能入川仍當走死奈界耳將軍從漢陽  
西鄉入川萬一賊從舊路疾趨平利仍入竹房將何以禦不則走甯昌入歸巫與曹操合我以大將尾追促賊  
民楚非真也良玉報曰蜀地肥所賊渡險任其奔軼後難制且賊入川則有糧可因回郎則無地可據其不復

寬獲明矣夫兵合則強分則弱今已留劉國能李萬慶守鄭若再分三千人入蜀卽駐興平兵力已薄賊來能追之卽今當出其不意疾攻之一大創自然瓦解縱折回房竹間人跡斷絕彼從何得食況鄭兵扼之於前牽掣在紫輿扼之於右勢必不得逞若曹昌歸巫險且連曹操獻忠不相下倘窮而歸曹必內相吞其亡立見良十已於二月朔涉蜀界之瀟溪渡與嗣昌度力不能制而其計良是遂從之時獻忠營太平縣大竹河良玉駐瀟溪渡未幾總督崇煥引其兵來會賊移軍九滾坪見瑤山峻險將據之良玉始抵山下賊已踞山巔乘高鼓譟良玉下馬固覽者久之曰吾知所以破賊矣分所進道爲三己當其二秦兵當其一令曰聞鼓聲而上兩軍夾擊賊陣墜不可動鏖戰久之賊大潰墜崖湖者無算追奔四十里良玉兵斬掃地王曹威白馬鄧天王等渠魁十六人獻忠妻妾亦被禽遁入興山歸州之山中尋自斃并竄興歸界上是役也良玉功第一

良玉謂左良玉

物坪關在興安西南大竹河在太平縣東北九滾坪瑤山俱在太平縣

初良玉受平賊將軍印寢驕不肯受督師約束而賀人龍屢破賊有功嗣昌私許以人龍代良玉及良玉奏瑤山捷詞昌語人龍須後命人龍大恨具以前語告良玉良玉亦內恨當獻忠之敗走也追且及遣其驍馬元利操重寶啗良玉曰獻忠在故公見重公所部多殺掠而關部猶且專無獻忠卽公滅不久矣良玉心動縱之去監軍萬元吉知良玉跋扈不可使勸嗣昌令前軍躡賊後軍繼之而身從間道出梓潼扼歸以俟濟師嗣昌不用賊旣入蜀之巴州人龍兵謀而西歸召良玉兵合擊九滾皆不至十四年正月諸軍追賊開縣之黃陵城

參將劉士杰深入所當披靡獻忠登高望見無秦人旗幟而夏玉兵前部無關志獨士杰孤軍適密選壯士潛行營谷中乘高大呼馳下夏玉兵先潰總兵猛如虎憤圍出嗣昌方悔不用元吉言而獻忠已席卷出川西絕新開驛置楚蜀消息中斷遂以計給入襄陽城興王被執嗣昌不合卒賊渴死復縱寇以亡國者以夏玉素驍蹇不用命故也

夏玉左  
夏玉也

(十四年)陳新甲薦傅宗龍才帝未有以應也夏久曰樸忠吾以夙負用之宜盡死力遂釋之出獄以兵部右侍郎兼右叅都御史代丁啟睿總督陝西三邊軍務當是之時李自成有衆五十萬自陷河洛犯開封羅汝才復自南陽趨鄧漸與合兵帝命宗龍專辦自成議盡括關中兵餉以出然屬郡旱蝗已不能應九月四日以川陝兵二萬出關次新蔡與保督楊文岳兵會翼人龍李國奇將蔡兵虎大威將保兵共結浮橋東渡汝合兵趨項城五日兩軍畢渡走龍口自成汝才亦結浮橋於上流將趨汝甯覘兩督兵至盡伏精銳於林中陽驅諸將自浮橋西渡人龍使後騎覘賊還報曰賊向汝矣結浮橋將渡矣宗龍文岳夜會諸將於龍口詔朝將戰六日兩軍並進中道一騎馳而告曰賊畢渡矣復進一騎馳而告曰賊半渡矣三乃渡其二矣宗龍文岳曰驅之走三十里至於孟家莊日申午人龍大威曰馬力乏矣請朝而戰止兵爲營諸軍弛馬甲植戈鏐散行墟落求獨牧賊覘之塵起於林中伏甲並出搏我兵人龍有馬千騎不戰國奇以麾下兵迎擊之不勝蔡兵保兵俱潰人龍大威奔沈邱國奇營之三帥師潰宗龍文岳合兵屯火燒店賊以步兵攻其營諸軍鳴大礮震死賊百餘日

專賊引去宗龍軍西北文岳軍東南甕壑而守保兵齊濟保督副將挾文岳騎而馳夜奔於項城宗龍復分  
兵立營於陳南諸將分營當賊壘九日撤人龍國奇選兵救二帥不應宗龍曰彼避死宜不來吾豈避死爲爾  
其麾下曰宗龍老矣今日陷賊中當與諸軍決一死戰不能效他人捲甲走也召裨校李本實卽文岳壘穿壘  
築壘以拒賊賊亦穿壘二重以圖之十一日秦師食盡宗龍殺馬騾以享軍明日營中馬騾盡殺賊取其屍分  
噉之十八日營中火薪給子矢並盡宗龍簡士卒與傷死喪之餘有衆六千夜半潛勸諸軍突賊營殺千餘人  
潰圍出諸軍星散宗龍徒步率諸軍且戰且走十九日卓午未至項城八里賊追及之執宗龍呼於門曰秦  
督國隨官丁也請啟門納秦督宗龍大呼曰我秦督也不幸墮賊手左右皆賊耳賊唾宗龍宗龍厲賊曰我大  
臣也殺則殺耳豈能爲賊贖城以緩死哉賊抽刀擊宗龍中其腦而仆斫其耳鼻死城下事歸帝曰若此可謂  
機忠矣

魏口在項城南孟家莊  
在舊火舖店在沈邱

是時關中精銳盡沒於項城後年曰兵疲饑乏當方張之寇我出如以肉餵虎耳然不可不一出以持中原心  
乃收散亡調邊卒得馬步三萬人十五年正月率總兵賀人龍鄭嘉棟牛成虎出潼關先是隨頴爲賊守左頁  
玉破而屠之盡獲賊所積自成關之懸合開封而攻夏玉夏玉退保鄆城賊圍之急番年諸將議曰鄆城危在  
旦夕吾趨鄆賊方銳難與爭鋒吾聞襄城距鄆四舍賊老特威在吾合鄆而以精銳攻其必應賊必還兵救則  
鄆城解矣鄆城解我擊其前夏玉乘其背賊可大破也諸將皆曰善乃留步兵火器於洛陽簡精騎萬人兼程

進次鄭縣襄城人張承祿等迎喬年二月二日喬年入襄城分人龍嘉棟成虎軍三路駐城東四十里逼郟城而軍而自勅兵駐城外賊果解郟城而救襄城賊至三帥奔良玉救不至軍大潰喬年歎曰此吾死所也率步卒千餘入城守賊穴地實火藥攻城喬年亦穿阱視所鑿長矛刺之賊礮擊喬年坐懸雉搗盡碎左右環泣請避之喬年怒以足蹴其首曰汝畏死我不畏死也二十七日城陷巷戰殺三賊自到不殊爲賊所執大罵賊割其舌磔殺之襄城人建祠而祀之初喬年之撫陝西也奉詔發自成先塚米脂令邊大受河間靜海舉人僞令也嗣得其族人爲縣吏者掠之曾去縣二百里曰李氏村亂山中十大塚環而葬其中其始祖也相傳穴仙人所定塚中鐵燈架鐵燈不滅李氏興如其言發之蟻蟻數石火光熒熒然新棺骨青黑被體黃毛腦後穴大如錢赤蛇盤三四寸角而飛高丈許昨吞日光者六七反而伏喬年函其顛骨蛇以聞焚其餘雜以穢藥之自成聞之嚙齒大恨曰吾必致死於喬年喬年死於喬年也

楊文岳在汝甯夜襲賊營有功賊既遁開封旋敗孫傳庭兵以閏十一月悉衆薄汝甯老狗峯裏眼左金王等畢會文岳遣都司康世德以輕騎偵賊世德走還汝將其步騎五百夜縱火噪而奔十三日羣賊並至壓汝甯五里而止監軍僉事孔貞會以川兵屯城東文岳以保兵屯城西賊兵進攻相持一晝夜川兵潰殺傷數百賊奪其馬騾悉衆攻保兵漸不支僉事王世琮知府傅汝爲遇判朱國寶總將士入城副將賈悌參將馮名聖亦據文岳會登城明日賊四面環攻賊以陣矢石雲梯堵牆而立城頭矢礮掃石雨集賊死傷山積而攻

不休一鼓百道並登文岳及世襲國公名理於城刃殺汝陽知縣文師即於城上汝爲開雙赴水死賊擁文岳等見虜成大罵賊怒縛之城南三里鍋以大礮擊之洞胸糜骨而死

李自成陷洛陽乘勝遂圍開封遙擁李仙鳳時在河北名衛集衆守周王共構發庫金百萬兩募死士殺賊燕米屏等執以饋軍凡七晝夜仙鳳遣開封副將陳永福背城而戰斬首二千游擊高謙夾擊斬首七百賊將去仙鳳既還與名衛且許奔帝以陷福藩罪詔遠仙鳳以襄陽兵備副使張克儉代克儉已前死難卽擢名衛右僉都御史代之以永福充總兵官都督僉事鎮守河南當是時賊連陷南陽鄧汝十餘州縣唐徽二王遇害名衛不能救開封周邸圖書文物之盛甲他藩士大夫望實蓄積充牣自成攻之不能克然欲得而甘心焉十二月抄賊再圍開封永福射自成中其左目墮殛上天龍等自成大怒急攻之開封故宋汴都金帝南遷所遺集也厚數丈內壘纒而疏外賊用火藥放迸火發卽外擊磊磊飛鳴賊騎皆糜爛自成大驚會楊文岳援兵亦至乃解圍去西華鄭襄離陳大廉商邱甯陵考城俱陷四月復至開封圍而不攻欲坐困之六月帝詔釋故尙書侯恂於獄命督保定山東河北湖北諸軍務並輔平賊等鎮授判官兵拔知縣蘇京王漢王鑾爲御史詔蘇京監廷甯甘固軍總孫傳庭出關王漢監平賊鎮標楚蜀軍同侯恂等急擊王鑾監陽懷東晉軍刻期渡河總兵許定國以晉軍次沁水一夕潰去甯武兵亦潰於懷慶詔遣定國七月河上之兵潰督師丁啟睿保督楊文岳合左良玉虎大威楊德政方國安諸軍次於朱仙鎮良玉走還襄陽諸軍皆潰啟睿文岳奔汝甯詔山東

總兵官劉澤清援開封城中食盡名衝承福借監司梁炳蘇壯吳士講同知蘇茂灼通判彭士奇推官黃澍等  
守益盛澤清以兵來援諸軍並集河北朱家寨不敢進澤清曰朱家寨去開封八里我以兵五千南渡依河而  
營引水環之以次結八營直達大堤築甬道輸河北之粟以餉城中賊兵已老可一戰走也諸軍皆曰善乃以  
兵三千人先渡立營賊攻之戰三晝夜諸軍無繼者甬道不就澤清拔營歸日夜望傳庭出關不至賊圍開封  
者三士馬損傷多積憤誓必拔之圍半年師老糧匱欲決黃河灌之以城中子女貨寶狗彘不決開祭師已東  
恐諸鎮兵夾擊欲變計會有獻計於巡按御史嚴雲京者請決河以灌賊雲京語名衝澍以為然周王  
恭楊募民築羊馬牆堅厚如高岸賊營直傳大堤河決賊可盡城中無虞我方鑿朱家寨口賊知移營高阜緣  
牆巨筏以待而驅掠民夫數萬反決馬家口以灌城九月癸未望夜半二口並決天大雨連旬黃流驟漲聲聞  
百里丁夫荷鍤者隨堤漂沒十數萬賊亦沉萬人河入自北門貫東南門以出流入於渦水名衝承福乘小舟  
至城頭周王率其宮眷及甯鄉諸郡王避水樓城樓坐兩絕食者七日王暨以舟迎王王從城上泛舟出名衝  
等皆出茂灼士奇久餓不能起並溺死賊浮艦入城遺民俱盡拔營而西城初圍時百萬戶後饑疫死者十二  
三汴梁往麗甲中州羣盜心豔之至是盡沒於水帝聞痛悼

名衝高名衝也

楊嗣昌知賊必出川遂統舟師下雲陽撥諸軍陸行追賊人龍軍既謀而西頓兵廣元不進所恃惟如虎比與  
賊戰則擊黃陵城大敗將士死亡過半如虎突圍免馬羸關防盡為賊有初賊竄南溪元吉欲從間道出梓潼

扼歸路以待賊嗣昌檄諸軍躡賊疾追不得拒賊連令他邊諸將乃盡從蘆州還後塵賊折而東返歸路盡空不可復通嗣昌始悔不用元吉曹賊遂下襄門抵興山攻當陽犯荊門嗣昌至夷陵檄夏玉兵使十九返夏玉撤興房兵趨漢中若相避然賊所至燒驛舍殺將卒東西消息中斷鄖陽撫治袁繼咸聞賊至當陽急謀發兵獻忠令汝才與相持而自以輕騎一日夜馳三百里殺督師使者於道取軍符以二月十一日抵襄陽近郊用二十八騎持軍符先馳呼城門督師調兵守者合符而信入之夜半從中起城遂陷獻忠縛襄王暨堂下屬之酒曰吾欲斷楊嗣昌頭嗣昌在遠今借王頭俾嗣昌以陷藩伏法王努力盡此酒遂害之未幾渡漢水走河南與賀一龍左金王諸賊合嗣昌初以襄陽重鎮勿深溝方壘而三環之造飛架設橫板陳利兵而譏詞非符要合者不得渡江漢間列城數十倚襄陽為天險賊乃出不意而破之嗣昌在夷陵驚悸上疏請死下至荊州之沙市聞洛陽已於正月被陷嗣王過書益憂遂不食以三月朔日卒年五十四

帝嘗問京營軍何以使者盡精汰者不諱姓對曰京營邊勇營萬二千專練騎射壯丁二萬專練火器鷹給厚而技與散兵無異宜行分練法技精者散兵拔為邊勇否則邊勇降為散兵壯丁亦然老弱者汰補軍弊當以漸不可使知有汰兵意帝然之又問別立戰營能得堪戰者五萬否姓對京營兵合堪戰承平日久發兵剿賊輒沿途僱充將領利月餉游民利剽改歸營則本軍復充伍今練兵法要在選將有戰將自有戰兵五萬非難但法忌紛更不必別立戰營也



李自成再圍開封巡撫名銜總兵陳永福力拒之射中自成目礮上天龍等自成益怒自成每攻城不用古梯衝法專取甌窳得一輒卽踣營臥後者必斬取輒已卽穿穴穴成初僅容一人漸至百十次第傅土以出過三五步留一土柱擊以巨槓穿畢萬人曳輹一呼而柱折城崩矣名銜於城上繫橫道聽其下有聲用毒穢灌之多死賊乃卽城壞處用火攻法實藥壘中火然藥發當者輒糜碎名曰放進十五年二月城半圯賊用放進法攻之鐵騎數千馳譟伺城頽卽擁入城城故宋汴郡金人所重築也厚數丈土堅火外擊賊騎多獲自成賊而去

(十五年)御史楊若橋薦西洋人湯若望習火器請召試宗周曰邊臣不講戰守屯戍之法專恃火器近來陷城破邑豈無火器而然我用之制人人得之亦可制我不見河間反爲火器所破乎國家大計以法紀爲主大帥跋扈援師遲邇奈何反始慮爲此紛紛無益之舉耶因讓督撫去留則請先去督師范志完且曰十五年來陛下處分未當致有今日敗局不追禍始更難易轍欲以一切苟且之政補目前罅漏非長治之道也帝變色曰前不可追營後安在宗周曰在陛下開誠布公天下爲好惡合國人爲用舍進賢才開言路次第興天下更始帝曰目下烽火逼畿甸且國家敗壞已極當如何宗周曰武備必先練兵練兵必先選將選將必先擇賢督撫擇賢督撫必先吏兵二部得人宋臣曰文官不愛錢武官不惜死則天下太平斯言今日鍼砭也論者但論才猛不問操守未有操守不謹而遇事敢前軍士畏威者若徒以議論捷給舉動快張稱曰才猛取爵位則

有餘實事功則不足何益成敗哉帝曰機變之日先才後守宗周曰前人敗壞皆由貪縱使然故以濟變言愈  
宜先守後才帝曰大將別有才局非徒操守可望成功宗周曰他不具論如范志完操守不謹大將偏裨無不  
由賄進所以三軍解體由此觀之操守爲主帝色解曰朕已知之宗周對

起孫傳庭兵部右侍郎親御文華殿問賊安民之策傳庭侃侃言帝嗾款久之燕勞賞資甚渥命將禁旅援  
開封開封圍已解賊殺陝督汪喬年帝卽命傳庭往代大集諸將於關中縛擄剿總兵賀人龍坐之麾下數而  
斬之謂其開縣曠猛帥以孤軍失利而獻曹出柙也又謂其遇敵先潰新蔡襄城連喪二營也諸將莫不洒  
然動色者傳庭既已誅殺人龍威震三邊日夜治軍爲平賊計而賊遂已再圍開封詔御史蘇京監延甯甘固  
軍巡傳庭出關傳庭上言兵新募不堪用帝不聽傳庭不得已出師以九月抵滎關大雨連旬自成決馬家口  
河溜出封開封已陷傳庭趨南陽自成西行逆秦師傳庭設三覆以待賊牛成虎將前軍左勳將左鄒嘉棟將  
右高傑將中軍成虎陽北以誘賊賊奔入伏中成虎還兵而關高傑董學禮突起翼之左勳鄒嘉棟左右橫擊  
之賊潰東走斬首千餘追三十里及之鄉縣之環頭賊竊甲仗軍資於道秦兵趨利賊覘我軍器反兵乘之左  
勳顧慎鼎之師潰諸軍皆潰副將孫枝秀躍馬以追賊擊殺數十騎賊兵圍之馳突不得出馬驟被執積立不  
撓以刃臨之瞠目不答一人曰此孫副將也遂殺之參將熊尙仁亦被執不屈而見殺覆軍數千材官小將之  
歿者張映奎李棲鳳任光裕戴友仁以下七十有八人賊僭護其所喪馬傳庭走軍由孟入關執斬慎鼎副勳

馬以二千以勸父光先故貸勦是役也天大雨糧不至士卒採青柿以食渴且餒故大敗豫人所謂縛國之役也傳庭既已敗歸陝西計守瀘關扼京師上游且我軍新集不利速戰乃益募勇士開屯田繕器械粟三家出壯丁一火車載火礮甲仗者三萬輜戰則驅之拒馬止則環以自衛督工苛急夜以繼日秦民不能堪而關中頻歲饑駐大軍餉乏士大夫厭苦傳庭所爲用法嚴不樂其在秦相與譁於朝曰秦膏馘寇矣又相與危語惛腦之曰秦督不出關收者至矣明年五月命兼督河南四川軍務轉進兵部尚書改稱督師加督山西湖廣貴州及江南北軍務賜劍超職益急傳庭頓足歎曰奈何乎吾固知往而不返也然大丈夫豈能再對獄吏乎頃之不得已遂再議出師總兵生成虎將前鋒高傑將中軍王定官攝民將延甯兵爲後勁白廣恩統火車營檄左良玉赴汝甯夾擊當是時自成已據有河南湖北十餘郡自號新順王設官置戍營襄陽而居之將由內浙窺商雒盡發荆襄兵會於汜水漿澤伐竹結筏人佩三葫蘆將謀渡河傳庭分兵防禦八月十日傳庭出師瀘關次於閿鄉二十一日師次陝州檄河南諸軍渡河進剿九月八日師次汝州僞都尉四天王李養純降養純言賊虛實諸賊老營在唐縣僞將史屯覆盪自成精銳盡聚於襄城遂破賊寶豐斬僞州牧陳可新等遂掃唐縣破之殺家口殆盡賊滿營哭轉戰至陝縣遂禽僞果毅將軍謝君友斫賊坐纓尾自成幾獲賊奔襄城大軍遂進逼襄城賊懼降自成曰無畏我殺王焚陵罪大矣姑決一死戰不勝則殺我而降未晚也而大軍時倚襄城賊持久甬道清糧車不能前士饋攻州破之獲馬萬馱之立盡雨七日夜不止後軍譁於汝州賊大至

流貫四起不得已還軍迎糧留陳承福爲後拒前軍既移後軍亂承福斬之不能止賊追及之南陽官軍還戰賊陣五重燹民以外次步卒大馬軍又次騎騎老營家口處內戰破其三重賊騎殊死鬪我師陣稍動廣恩軍將火車者呼曰師敗矣脫輓輅而奔車傾蹙道馬赴於衝不得前賊之鐵騎凌而騰之步賊手白楮遮擊中者首兇惡俱碎自成空壁隨我一日夜官兵狂奔四百里至於孟津死者四萬餘失兵器輜重數十萬傳庭軍騎渡垣由關鄉濟賊覆督師坐靈乘勝破潼關大敗官軍傳庭與監軍副使喬遷高躍馬大呼而死於陣廣恩降賊傳庭竟不可得傳庭死關以內無堅城矣初傳庭之出師也自分必死顧語妻張夫人曰爾若何夫人曰丈夫報國耳毋憂我及西安破張率二女三妾沉於井擇其八歲兒世甯亟避賊去之兒踰牆墮民舍中一老翁收養之長子世瑞聞之重入寨得夫人屍并中面如生翁歸其弟世甯相扶攜還道路見者知與不知皆泣下傳庭死時年五十有一矣傳庭再出師皆以兩敗也

馬家口在關封北

當是之時賊十三家七十二營降師殆盡惟李自成張獻忠存自成尤強據襄陽以河洛荆襄四戰之地關中其故鄉土馬甲天下據之可以霸決策西向懼潼關天險將自漸川龍車寨間道入陝西傳庭聞之令師孔率四川甘肅兵駐商舖爲犄角而師孔趨戰無何我師敗績於南陽賊遂乘勝破潼關大隊長驅勢如破竹師孔棄寨守西安人或告師孔趨師致敗也

師孔獨歸孔也

龍在田上疏曰臣以石屏世弁因流氛熾陵晉激國難捐貲募精卒九千五百戰兼四戰馬二千入魏破賊

賊不敢窺江北陵寢漢兵有力馮五載捷二十有八忌口中阻逼臣病歸自臣親藩辱名城屢陷臣哀請討寇必須南兵蓋諸將所統多烏合遇寇即逃乏餉即譟漢兵萬里畏驅家人父子同志非若他軍易潰也且一歲中秋冬氣涼賊得馳騁春夏即入山避暑養銳而出故其氣益盛夫平原戰既不勝山驍又莫敢禦師者財殫務平何日漢兵輕走連跳替搜山臣願整萬眾力掃秦楚豫皖諸寇不滅不止望速給行糧沿途接濟臣誓捐軀報國而不效甘伏斧鑕帝壯之下兵部議寢不行

李自成復圍州封乃釋故尙書初薦夏玉者侯恂於獄起爲督師發帑金十五萬犒夏玉營將士激勸之夏玉及虎大威楊德政會師朱仙鎮賊營西官軍營北夏玉見賊勢盛一夕拔營遁眾軍望見皆潰自成戒士卒待夏玉兵過從後擊之官軍幸追者緩疾馳八十里賊已於其前穿壘深廣各二尋環繞百里自成親率衆遮於後夏玉兵大亂下馬渡溝僵仆溪谷中趾其顛而過賊從而蹂之軍大敗棄馬騾萬匹器械無算夏玉走襄陽帝聞夏玉敗詔恂拒河圖賊而令夏玉以兵來會夏玉畏自成遲延不至九月開封以河決而亡

(十六年) 蔡懋德督師於太原布政使趙建極監司毛文炳副中舉拱辰太原知府孫康周晉陽曲縣事長史范志奉等官吏軍民咸在懋德哭衆皆哭罷官命適至或請出城候代懋德不可曰吾已辦一死矣景昌即至吾亦與俱死調陽和兵三千協守東門副中慮其內應移之南關之外遣部將張煇分守新南門召中軍副總兵應時盛入參謀蔡懋德等登城二月五日賊至城下遣部將牛勇朱孔嗣王永魁出戰死之明日自成具

幽德營東攻城陽和兵叛降賊又明日晝賊德草遺表須臾大風起拔木揚砂調張雄守大南門雄已縋城  
出降歸其黨曰城東南角樓火器火藥皆在我下卽焚樓中火起風轉烈守者皆散賊登城德北面再拜  
出表交付友人賈士璋問道遠京師語人曰吾學道有年已勘了死生今日吾致命時也卽自剄麾下持之時  
風請下城巷戰顧德曰上馬德德上馬時盛持矛突殺賊數十人至炭市口賊騎充斥時盛呼曰出西門懸  
德遽下馬曰我當死封疆諸君自去衆復擁德上馬至水西門德德叱曰諸君欲陷我不忠耶復下馬據地  
時坐盛已出城殺妻子追顧不見復研門入語德德曰請與公俱死遂偕至三立祠德德就縊未絕時盛釋甲  
加其肩乃絕時盛取弓弦自經建極危坐公堂賊擁之見自成一屈將斬之下墻呼萬歲者再曰臣失守封疆  
死有餘罪自成一以爲呼己也曳還建極瞋目曰我呼大明皇帝甯呼賊耶立射殺之時自成執晉王據王宮云  
文炳被殺妻趙妾李亦投井死子兆夢甫數歲賊掠去士民以其忠臣子也贖而歸之欲降剛中不從殺之首  
既墮復躍起文餘賊皆辟易賊適得新刀拱辰視之問何暇曰欲得此研頭耳遂取斬之康周巷戰死志泰不  
食死自縊德而下太原死事凡四十有大人賊皆尸之城上自成恨德之不降也驗其尸以刃斷頸而去  
李自成陷西安傳檄榆林招降總兵官王定懼率所部精兵棄城走時巡撫張鳳翼未至城中士馬單弱人心  
洶洶布政使都任取集副將惠顯參將劉廷傑等與里屠將帥世威及王世欽王世國侯世祿侯拱極王學書  
故廷綬總兵李昌齡議城守衆推世威爲主帥無何賊十萬衆陷延安下綬德復遣使說降廷傑大呼曰長安

雖破三邊如故賊皆中州子弟殺其父兄而驅之戰必非所願榆林天下勁兵一戰奪其氣然後約甯夏固原爲三師迭進賊可平也衆然其言乃歃血誓師簡卒乘繕甲仗各出私財佐軍守具未備賊已抵城下廷傑募死士乞師套部師將至賊分兵却之攻城甚力官軍力戰殺賊無算賊益衆來攻起飛樓逼城中矢石交至世威等戰益厲守七晝夜賊乃穴城置大礮轟之城遂破世威等猶督衆巷戰婦人暨子亦發屋瓦擊賊賊屍相枕藉既而力不支任死之侯世祿父子及學書俱不屈死賊廷傑勾套部磔之至死罵不絕口世威世欽世國昌齡並被執縛至西安自成坐秦王府欲降之四人不屈膝自成曰諸公皆名將助我平天下取封侯可乎衆厲曰汝驕卒敢大言侮我自成笑前解其縛世欽唾曰驕卒毋近前汗將軍衣自成怒皆殺之時顯亦被執大罵賊賊惜其勇繫至神木服毒死

世威尤  
世威也

左良玉兵八十萬號百萬前五營爲親軍後五營爲降軍每春秋肄兵武昌諸山一山輒一色山谷爲滿軍法用兩人夾馬馳曰過對馬足動地殷如雷聲聞數里諸鎮兵惟高傑最強不及良玉連甚然良玉自朱仙鎮之敗精銳略悉其後歸者多烏合卑容雖壯法令不復相恤良玉家藏於許州其在武昌諸營優娼歌舞達旦良玉塊然獨處無姬侍密夜宴僚佐召營妓十餘人行酒履舄交錯少焉左顧而歎以次引出賓客蕭然左右莫敢仰視其執取有體爲下所服多此類而是時良玉已老且病無中原意矣

高傑進副總兵與總兵白廣恩爲軍鋒兩人皆降將也廣恩嘗嘗素不奉約束而傑尤兇暴朝廷以傑爲自成

所切齒故命隸傳庭游賊九月從傳庭克寶豐復邠縣時官軍乘勝深入乏食降將李際遇賊自成帥精騎大至傳庭問計於諸將傑請戰廣恩不可傳庭以廣恩爲怯廣恩不憚引所部遁去官軍接戰陷伏中傑登巖上望之曰不可支矣亦麾衆退軍遂大奔死者數萬廣恩走汝州不救傑乃隨傳庭走河北已而自山西渡河轉入潼關廣恩已先至十一月自成攻關廣恩力戰而傑怨廣恩以寶豐之敗不救己亦擁衆不肯救廣恩戰敗關遂破傳庭被殺自成破西安據之

馮元振頗能料事孫傳庭治兵關中元振謂不可輕戰廷臣多言不戰則賊益張兵久易懦元振謂將士習儒未經行陣宜致賊而不宜致於賊乃於帝前爭之曰請先下臣獄俟一戰而勝斬臣謝之又貽書傳庭戒毋輕關白高兩將不可任傳庭果敗將歸薦李邦彞史可法自代帝不用

東陽諸生許都君副使選道孫也家富任俠好施陰以兵法都勸賓客子弟思得一當子龍嘗薦諸上官不用東陽令以私憾之適譏爲奸人假中喪名招兵事殺都毋山中會者萬人或告監司王雄曰都反矣雄據遣使收捕都遂反旬日間聚衆數萬連陷東陽義烏浦江遂逼郡城既而引去巡撫董象恆坐事逮代者未至趨按御史左光先以擁標兵命子龍爲監出討之稍有俘獲而遊擊蔣若來破其犯郡之兵都乃率餘卒三千保南岩雄欲擁賊語子龍曰賊聚糧據險官軍不能仰攻非曠日不克我兵萬人止五日糧奈何子龍曰都舊讎也請往察之乃單騎入都營責數其罪諭令歸降待以不死遂挾都走山中散遺其衆而以二百



人降光先與東陽令善竟斬都等六十餘人於江濟子龍爭不能得以定亂功擢兵科給事中命甫下而京師

陷子龍陳子龍也  
南寨在東陽縣

李自成自號奉天倡義大元帥號羅汝才代天撫民威德大將軍分其衆曰標營領兵百隊曰先後左右營各領兵三十餘隊標營白幡黑纛自成獨白纛大纛銀浮屠左營白右營白右營前黑後黃隨其色五營以序直晝夜次第休息巡徼嚴密逃者謂之落草磔之收男子十五以上四十以下者爲兵精兵一人主獨掌械執鏢者十人軍令不得藏白金過城邑不得室處妻子外不得攜他婦人寢與悉用單布幕絳甲厚百層矢礮不能入一兵倖馬三四匹冬則以齒襪藉其臥剖人腹爲馬槽以飼馬馬見人輒鋸牙思噬若虎豹軍止卽出較騎射曰站隊夜四鼓蓐食以聽令所過崇岡峻坂騰馬直上水惟懼黃河若淮泗涇渭則萬衆翹足馬背或抱鐵線尾呼風而渡馬羸所矚開水爲不流臨陣列馬三萬名三堵牆前者返顧後者殺之戰久不勝馬兵佯敗誘官兵卒長槍三萬擊刺如飛馬兵回擊無不大勝攻城迎降者不殺守一日殺十之三二日殺十之七三日屠之凡殺人東屍爲煨謂之打死城將陷步兵萬人環墜下馬兵巡徼無一人得免獻忠雖至殘忍不逮也諸營較所獲馬驟者上賞弓矢鉛銃者次之幣帛又次之珠玉爲下自成不好酒色股粟粗糲與其下共甘苦汝才妻妾數十被服絢綺帳下女樂數部厚自奉養自成嘗嘆鄙之汝才衆數十萬用山西舉人吉珪爲謀主自成嘗攻汝才嘗戰兩人相須若左右手自成下宛葉克梁宋兵強士附有專制心願獨忌汝才乃召汝才所嘗賈

一龍宴縛之農以二十騎新汝才於賊中悉棄其衆自成在中州所略城輒焚燬之當是時十三家七十二營諸大賊降死殆盡惟自成獻忠存而自成獨動遂自稱曰新順王集牛金星等議兵所向金星請先取河北直走京師楊永裕請下金陵斷燕都糧道從事顧君恩曰金陵居下流事雖廢失之緩直走京師不勝退安所歸失之益關中大王桑梓也百二河山得天下三分之二宜先取之建立基業然後旁略三邊資其兵力攻取山西後向京師庶幾進退守萬全無失自成從之傳庭之敗於柿園而歸陝也大治兵制火車二萬輛募壯士使白廣恩高傑將欲俟賊饋而擊之朝議日督賊不得已出關以牛成盧光祖為前鋒由靈寶入洛高傑為中軍檄廣恩從新安來會河南將陳永福守新鄭四川將秦翼明出商洛為犄角前鋒敗賊灑池至寶豐再拔其城次鄭自成率萬騎還戰復大敗幾被禽會天大雨道傍糧車不進自成遣輕騎出汝州要截糧道傳庭乃分軍三令廣恩從大道令高傑親隨從間道迎糧令永福守營傳庭既行永福兵亦爭發不可禁遂為賊所蹙至南陽傳庭還戰賊陣五重官軍克其三已而稍却火車奔騎兵亦大奔賊縱騎踐之傳庭大敗自成空壁追一日夜踰四百里官軍死者四萬餘人失兵器輜重數十萬傳庭奔河北轉趨潼關氣敗沮不復振冬十月自成陷潼關傳庭死

李自成先遣游兵入故關掠大名真定而北身率眾賊並邊東犯陷大同巡撫衛景瓊總兵朱三樂死自成殺代王傳續代藩宗室殆盡犯宣府總兵姜瓖迎降巡撫朱之鶴死遂犯陽和由柳溝逼蔚庸總兵官唐遇太監

杜之秩迎降三月十三日焚昌平總兵官李守鐸死始賊欲偵京師虛實往往陰遣人贖重貨賈取都市又令充部院諸掾吏探刺機密朝廷有謀議數千里立馳報及抵昌平兵部發騎探賊賊輒勾之降無一遺者賊游騎至平則門京師猶不知也故關即固關在平定州東柳溝在崑和東南

飛汝霖疏陳用將之失言自偏裨至副將歷任有功方可授節鉞今足未履行陣幕府已上首功胥吏提虎旅執符子擢兵符何由奮敵愾若大將之選宜召副將有功者時賜面對擇才者用之廷臣推擇有誤宜用文吏保舉連坐法帝納其言已晉楊嗣昌未罪慮象昇未獲殊挫忠義氣至為嗣昌畫策斂餉驅中原萬姓為盜者原任給事中沈迅也為嗣昌運籌以三千人駐襄陽城破賊走者監紀主事俞繼也為嗣昌搜引遺棄藩之陷重賂陳新甲嫁禍邵綱袁繼咸者今解任候代之宋一鶴也皆誤國之臣宜罪不報京師戒嚴汝霖分守東直門嘗召對言將不任職敵南北往返隨其後如懸絲之於貴官負勢前驅望塵靡及何名為將何名為督師帝深然之已言有司察處者不得濫舉邊才監司察處者不得遽驅巡撫庶封疆重任不為罪人借途又言自戒嚴以來臣疏凡二十上掇刺機宜百不行一而所揣敵情不幸言中矣比者外縣難民紛紛入都皆云避兵不云避敵雲州之破敵猶不多殺掠官軍繼至始無孑遺朝廷歲費數百萬金錢以養兵豈欲毒我赤子帝惡其中有飲泣地下語請為福建按察司照廢

(十七年)賊遂陷忻州圍代州遇吉先在代遇其北犯乃憑城固守而潛出兵奮擊連數日殺賊無算會食盡

誓絕退保甯武賊亦躍至大呼五日不降者屠其城過吉四面發大礮殺賊萬人火藥且盡外圍轉急或請甘  
曾柏之過吉怒曰若輩何快邪今能勝一軍肯忠義卽不支縛我子賊於是設伏城內出勦卒誘賊入城亟下  
關殺數千人賊用礮攻城垣復完者再傷其四驍將自成懼欲退其將曰我衆百倍於彼但用十攻一番進萬  
不勝矣自成從之前隊死後復繼官軍力盡城遂陷過吉巷戰馬蹶徒步跳竊手格殺數十人身被矢如鏢竟  
爲賊執大罵不屈賊懸之高竿兼射殺之復備其肉城中士民感過吉忠義巷戰殺賊不可勝計其舍中兒先  
從過吉出關死亡略盡夫人劉氏寡媳女數人城山巔公廩登屋而射每一矢斃一賊賊不敢逼縱  
火焚之闔家盡死自成集衆計曰甯武雖破吾將士死傷多自此遷京師歷大同陽和宣府唐府皆有重兵倘  
盡如甯武吾節下甯有子遺哉不如還秦休息圖後舉刻期將還而大同總兵姜瓖降表至自成大喜方宴其  
使者宣府總兵王承慶表亦至自成益喜遂決策長驅歷大同宣府抵居庸太監杜之秩總兵唐通復開門延  
之京師遂不守矣賊每語人曰他鎮復有一周總兵吾安得至此福王時贈太保陸忠武列祀旌忠誠  
鄉兵者隨其風土所長應募調佐軍旅緩急其隸軍籍者曰浙兵義烏爲最處次之台甯又次之晉狼狽間以  
又製威繼光製爲鸞陣以破倭及守前門最有名曰川兵曰遼兵崇禎時多調之剿流賊其不隸軍籍者在  
多有河南嵩縣曰毛葫蘆習短兵長於走山而嵩及盧氏暨寶甯並多礮兵曰角腦又曰打平山東有長竿  
手徐州有箭手井陘有礮手晉運石達可及百步關津泉習礮水戰爲最泉州人習技擊正統間郭

榮大書破抄尤賊有功商羅丁以私販爲業多勦果成化初河東鹽徒千百成羣自備火礮騷擾軍仗雜官  
軍逐寇而松江曹涇鹽徒竄靖中逐倭至島上焚其舟後倭見民家有鹽輒搖手相戒粵東雜糧習長牌  
斫刀而新會東莞之產強半延綏固原多邊外土著善騎射英宗命簡練以備秋防大鐮峽之役韓雍用之以  
摧獍獠之用牌刀者莊浪魯家軍善隸隨儒中洪熙初令土指揮領之萬厯間部臣稱其驍健爲敵所畏宜鼓  
舞以儲邊用西甯馬戶八百善自備騎械赴敵後以款賈裁之萬厯十九年經略卿儲詩復其故又僱兵有少  
林伏牛五寨倭亂少林僧應募者四十餘人戰亦多勝西南邊服有各土司兵湖南承順保靖王宣慰所部廣  
西東關那地南丹歸順諸徭民四川西陽石砮黎氏冉氏諸司宣力最多末年邊事急有司專以調三省土司  
爲長策其利害亦權相半云

教練軍士律騎卒必善馳射槍刀步兵必善弓弩槍步射以十二矢之半連可到近可中爲程連可到將弁百  
六十步軍士百二十步近可中五十步數弩以十二矢之五連可到敵張八十步划車六十步槍必進退熟習  
在京衛所以五千人爲率取其一指揮以下官領赴御前驗試餘以次番試在外都司衛所每衛五千人取五  
之一千戶以下官領赴京驗試餘以次番試軍士步騎皆將領各以其能受賞否則軍士給錢六百爲道里  
費將領自指揮使以下所統軍士三分至六分不中者次第奪俸七分以上次第降官至爲軍止都指揮軍士  
四分以上不中奪俸一年六分以上罷職

先是浙江參將戚繼光以善教士開筭調士兵製爲戰陣破倭至是已官總兵種宗從給事中吳時來請命繼光練兵解門煎兵精整者數十年繼光嘗著練兵實紀以訓士一曰練伍首騎次步次車次輜重先選伍次較藝總之以合營二曰練腦氣使明作止進退及上下統屬相友相助之義三曰練耳使明說令四曰練手足使熟技藝五曰練營陣詳布陣起行結營及交鋒之正變終之以練將後多遵用之

古所謂礮皆以發機石元初得西域敵攻金蔡州城始用火然造法不傳後亦罕用至明成祖平交趾得神機礮法特置神機營製用生熟赤銅相間其用礮者建礮架爲最西礮次之大小不等大者發用車次及小者用藥用礮用托大利於守小利於戰隨宜而用爲行軍要器

正統末邊備日亟備史楊善請鑄兩項銅銃景泰元年總關侍郎江潮言真定藏都督平安火傘上用鐵槍頭環以礮鈴置火藥筒三發之可潰敵馬應州民師翻製銃有機頃刻三發及三百步外俱試驗之天順八年延毅參將房能言麓川破賊用九龍箭一線然則九箭齊發箭式各邊至嘉靖八年始從右都御史汪鋐言造佛郎機礮謂之大將軍發諸邊鎮佛郎機者國名也正德末其國舶至廣東白沙巡檢何儒得其制以銅爲之長五六尺大者重千餘斤小者百五十斤巨腹長頸腹有修孔以子銃五枚貯藥置腹中發及百餘丈最利水戰礮以蜈蚣船所製輒糜碎二十五年總督軍務翁萬達奏所造火器兵部試之曾三出連珠百出先鋒鐵棒雷飛俱使用母子火獸布地雷礮止可夜劫營御史張鐸亦進十眼銅礮大彈發及七百步小彈百步四眼礮

槍彈四百步詔工部造萬歷中通判華光大奏其父所製神吳火器命下兵部其後大西洋船至復得巨礮曰紅夷長二丈餘重者至三千斤能洞裂石城震數十里天啟中錫以大將軍號遣官祀之崇禎時大學士徐光啟請令西洋人製造發各鎮然將帥多不得人城守不固有委而去之者及流寇犯關三大營兵不戰而潰礮皆爲賊有反用以攻城城上亦發礮擊賊時中官已多異志皆空器貯積取聲震而已明置兵仗局器二局分造火戰號將軍者自大至五又有春門將軍大小二樣神機礮飛陽礮盡口礮梳口礮旋風礮流星礮虎尾礮石榴礮龍虎礮毒火飛礮連珠佛郎機礮信礮神礮礮裏礮十眼銅礮三出連珠礮百出先鋒礮鐵擗雷飛礮火獸布地雷礮梳口銅鐵銃手把銅鐵銃神銃斬馬銃一窩鋒神機箭銃大小佛郎機銅銃佛郎機鐵銃木龍銅銃筋織樺皮鐵銃無敵手銃烏嘴銃七眼銅銃千里銃四眼鐵槍各號雙頭鐵槍夾把鐵手槍快槍以及火車火傘九龍筒之屬凡數十種正德嘉靖間造最多又各邊自造自正統十四年四川始其他刀牌弓箭槍弩狼筈羨蕪甲冑戰穢在內有兵仗軍器鑄工鞍轡諸局屬內庫掌於中官在外有盛甲廠屬兵部掌以耶

廣京省諸司衙所又俱有雜造局軍資器械名目繁多不具載惟火器前代所少故特詳焉

中厠用軍戰而東南利舟楫二者於兵事爲最要自騎兵起車制漸廢洪武五年造獨輦車北平山東 輻山 西河南八百輛永樂八年北征用武剛車三萬輛皆惟以供饋運至正統十二年始從總兵官朱冕 用火車 備戰自是百車戰者相繼十四年給事中李侃請以羸車千輛鐵索聯絡騎卒處中每車翼以刀牌手五人賊

犯陣刀牌手擊之賊退則開索縱騎帝命造成祭而後用下車式於邊境用七馬駕實多溝壑總兵官張泰請用獨馬小車時以備便箭工規四章官神橫槍一發續請以車載槍二十箭六百車首置五槍架一人推二人扶一人執鏃試可乃造景泰元年定製伯郭登請倣古制爲偏箱車載長丈三尺闊九尺高七尺五寸鑄用薄板鑄出則左右相連前後相接鈎環牽互車載衣箱器械并鹿角二屯處十五步外設爲藩母車槍礮弓弩刀牌甲士共十人無事時連車二十輛軍統每方五輛轉輸樵採皆在圍中又用四輪車一列五色旗旗數指揮起輦此可以守關於攻戰命鑄的行關州守備李進凱造獨輪小車上施皮屋前用木板畫獸面鑿口置碗口銃四槍四神機箭十四樹旗一行為陣止爲營二年吏部郎中李賢請造戰車長丈五尺高六尺四寸四圍箱板穴孔置銃上關小輪每車前後占地五步以千輛計四月廿六里獨輪器械重咸取給焉帝令亟行成化二年從郭登言製軍隊小車每隊六輛輜九人二人挽七人番代車前置牌畫魏首遠望若城疊然八年甯都諸生何京上禦敵車式上施繩網網穴發槍弩行則斂之五十車爲一隊用士三百七十五人十二年左都御史李賓請造偏箱車與鹿角參用兵部尙書項忠請驗閱以登高涉險不便已之十三年從甘肅總兵官王璽奏造雷火車中立樞軸轉發礮二十年宣大總督余子俊以車五百輛爲一軍每輛卒十人車隙補以鹿角既成而邊重不可用時人謂之鷓鴣軍宏治十五年陝西總制秦紱請用雙輪車名曰全勝長丈四尺上下共六人可衝敵陣十六年開任知府范吉獻先鋒驛驛車嘉靖十一年南京給事



中王希文請倣郭固韓琦之制造車前鐵後方上置七輪爲櫓三層各置九牛轉每傍置以卒行戰甲兵止爲  
營陣下邊鐵的行十五年總制劉天和復習全勝車之便而稍爲損益用四人推挽所載火器弓弩刀牌以百  
五十斤爲準箱前置銳銳旁列虎盾以護騎士命從其制四十三年有司奏准京營教演兵車共四千輛每輛  
步卒五人神槍夾靶槍各二自正統以來曹車戰者如此然未嘗一嘗敵至隆慶中戚繼光守前門奏練兵車  
七營以東西路副總兵及撫營標共四營分駐建昌遊化石匣塞等處遠總兵二營駐三屯昌平總兵一營駐  
昌平每營重車百五十有六輕車加百步兵四千騎兵三千十二路二千里間車騎相兼可禦敵於極險  
之衝給遺費然特以邊衝實施火器亦未嘗以暇也是後遼京巡撫沈孚俞附設戰車營倣舊之制上設佛  
那機二下置雷飛礮快槍六每車步卒二十五人萬曆末經略熊廷弼請造雙輪戰車每車火礮二器以十卒  
背持火槍天啟中盧綬經按御史馬應昌進戶部主事曹殿古所製鐵輪車小衝車等式以禦敵守其川  
大約邊地險阻不利車戰

舟之制東南所宜舟之制江海各異於新近口設船四百承樂初命蘇建都司造海船百三十七又  
命江楚兩揚及鎮江諸府造海風船成化初漢川督楊榮奏舟國皆江舟也海舟以舟山之扁櫓爲首風  
船則風櫓自禦火櫓之十裝標號軟風若山亦利造遼東船體木爲之親福船尤巨而堅其利用書二可  
舟舟那機可禦火礮大福船亦然能容百人底尖上關首昂尾高柱檣三重帆桅二傍護以板上設木女牆及

中爲四層最下實土石次應所次左右大門中置水櫃揚帆炊礮皆在最上如露臺穴梯而登傍設  
雲梯可憑以避矢石火器皆備登可順風行海其製船稍小棚頂船能容三五十人頭銳四槳一棹其行如  
飛不拘風潮逆趨船頭滿載以小船船尾皆開帆棹並用槳船仍近後每傍五枝每枝五跳跳二  
人以板開跳上登首於外凡跳上下三層下實土石上爲兩場中設其帆帆下棹皆在上層威繼光云倭舟  
甚小一入臺灣大風海禁不能入必用著船運之衝敵便捷出人謂之芥山艇也抄應二船相背成用抄船可  
據戰然無翼飛船兩端銳進退如飛傍釘大茅竹竹間懸可發銃箭內較外懸人以望乘先備此入賊隊  
抄船隨進短民捷戰無不勝滿船至小每三人一執布帆一執槳一執弓噴銃噴放上下可掩賊不備網搜船  
定海臨海象山俱有之形如梭竹批布帆係容二三人遇風濟帆昇入山窎可哨探賊船船形也龍駕佛耶  
據艦底尖面闊兩傍掛數十行如飛兩頭船旋轉在舵因風四轉諸船無逾其速蓋由專練以來東南日備備  
故備舟之制特詳備云

明制馬之屬內廠者曰御馬監中官掌之較於大壩蓋倣國體十有二副意較於官者爲太僕寺行太僕寺苑  
馬寺及各軍衛門唐四十八監意較於兵者南則直隸應天等府北則直隸及山東河南等府即宋保馬意其  
曰備養馬者始於正統永樂馬給邊邊馬足而奇較於餵飼者也官較給邊餵民較給京軍皆有養生駒官較  
之地曰草場或爲軍民佃種曰熟地或徵租佐牧人市馬牧之人曰恩軍曰隊軍曰改編軍曰充營軍曰抽發

馬苑分三驛上苑萬中七千下四千一夫牧馬十匹五才夫數隨具一人凡馬肥瘠登耗其毛齒而時備  
之三歲寺卿僧御史印烙鬻其羸劣以轉市邊衛堡堡府州縣軍民壯騎操馬則掌於行寺卿邊用不足又以  
茶易於番以貨市於邊其民牧皆視丁田授馬始曰戶馬既曰種馬按歲徵駒種馬死孳生不及數輒賠補此  
其大凡也以上牧道 欽定明 家事屬 國事不關入